

Meeqqat pisinnaatitaaffii
nakussassartigit

PEQATIGIILLUTA



Meeqqat pisinnaatitaaffii nakussassartigit

PEQATIGIILLUTA



Imai

-
- 5 Siulequt
- 6 **Kommuneqarfik Sermersooq aamma MIO meeqqat pisinnaatitaaffii pillugit ataatsimoorussaqrput**
- 7 Isumaqatigiissutip ingerlanera
- 7 Suleqatigiinnerup nalaani suliniutigineqartut
- 9 **KS Young Advisors**
- 11 **Nunaqarfimmi aqutsisunut isumasioqatigiissitsinerit**
- 12 **Meeqqanut inuusuttunullu isumasioqatigiissitsinerit**
- 13 **Meeqqanik sullissisunut isumasioqatigiissitsinerit**
- 14 Qeqertarsuatsiaani meeqqat pisinnaatitaaffii sammillugit sulineq
- 15 Tasiilami meeqqat pisinnaatitaaffii sammillugit sulineq
- 18 Ittoqqortoormiini meeqqat pisinnaatitaaffii sammillugit sulineq
- 19 Paamiuni meeqqat pisinnaatitaaffii sammillugit sulineq
- 21 Nuummi meeqqat pisinnaatitaaffii sammillugit sulineq
- 27 **Misilittakkat suliamullu tunngatillugu katersinerit**

Suleqatigiit

Kommuneqarfik Sermersuup aamma
MIO

Nalunaarusiamik suliarinnittut

MIO Meeqqat Pisinnaatitaaffiinik Sullissivik/
Børnerettighedsinstitution

Allaaserinnittut

Ellen Bang Bourup, Nauja Benjaminsen, Ingeborg S. Leere,
Trine Nørby Olesen & Camilla Nymand Petersen

Aaqqissuisut

Trine Nørby Olesen, Ingeborg S. Leere

Assitai

Helle Nørregaard, Nauja Benjaminsen & Ingeborg S. Leere

Assit tamarmik piumamik inissinneqarsimapput, aamma illoqarfimmut eqqartomeqartumut naleqqussagaangillat.

Ilusilersuisoq

Nuisi Grafik

Naqiterneqarfia

Nuuk Offset

ISBN: 978-87-996098-9-5



Siulequt

Kommuneqarfik Sermersooq kommuneqarfiuvoq kusanartog assigiinngisitaartorlu, assigiinngissutsit akimorlugit suleqatigiinnissamik periarfissarpassuarnik ammaassisoq. Kangianiit kitaanut aamma illoqarfimmiit nunaqarfimmut sumiiffiit inuillu assissaqanngitsut takussaapput, tamarmik kommuneqarfiup killeqarfiata iluani katersuussimasut. Kommuneqarfimmi meerartavut taamatoqqissaq ippit; assigiinngisitaartut assissaqanngitsullu, tamarmik ataatsimoorussaartut, tassalu tamarmik Naalagaaffiit Peqatigiit Meeqqat Pisinnaatitaaffii pillugit Isumaqatigiissutaanit illersorneqaramik.

Taanna aallaavigalugu Meeqqat Pisinnaatitaaffii pillugit sullissivik, MIO, aamma Kommuneqarfik Sermersooq 2014-miilli aaqqisuussaasumik suleqatigiipput, meeqqat Pisinnaatitaaffiisa nukit-torsarneqarnissaat aamma kommuneqarfiup killeqarfiata iluani ilisimasaniq annertusaanissaq siunertaralugu. Suleqatigiinneq nersuerpaluttumik aallaaveqarluni ingerlanneqassasoq aalajangi-unneqarpoq, tamatumani siunertaalluni angajoqqaat inuiaqatigiillu meeqqat Pisinnaatitaaffiik isumaginnillutillu ineriartortitsissaasa kaammattorneqarnissaat. Isumaqatigiissummut tassunga atatillugu meeqqat, inersimasut aamma meeqqanik sullissisut amerlasuut, assigiinngissutsit akimorlugit, meeqqat Pisinnaatitaaffii pillugit ilinniagaqarsimapput aamma kommunimi meeqqat Pisinnaatitaaffii qanoq nukit-torsarneqarnissaat pillugit akunnerpassuit atorlugit oqallittoqartarsimavoq. Suleqatigiinerup ukiut marluk ingerlanerani, meeqqanuk sullissisut amerlasuut aamma meeqqat 1.000-it missaat ilinniartinneqarput. Suliniutip ingerlane-ra tamaat meeqqat, inuusuttut inersimasullu tunniusimasut MIO-p naapittarpai, tamarmik meeqqat ajunnginnerpaamik atugassaqar-nissaanik kissaateqartut. MIO-mi nuannaarutigisorujussuuarput kommunip meeqqat atugarissaarnissaat salliutimmagu, aamma kikkut tamarmik nukissamik ilisimasassanillu tunniussaqaarnerat pillugu qujamasuppunga. Ulluinnarni meeqqanuk qaninnerullutik suliaqartut akornanni taamak tunniusimalluarlutik suliaqartut isigalugit pisuunnguallannarpoq. Taamaattumik meeqqanuk sullissisut aamma MIO-p sulisui qutsavigerusuppakka, tassami Kommuneqarfik Sermersuumi meeqqat Pisinnaatitaaffii qaffas-sarniarlugit annertuumik nukinik atuisimapput. Aammattaaq immikkut qujaffigerusuppakka meeqqat inuusuttullu, meeqqat Pisinnaatitaaffii pillugit suliniuteqaarnermi tunniusimallutik peqataasimasut aamma ammasumik inuunertik, meeqqat Pisin-naatitaaffii qanoq eqqarsaateqarfiginerlugit aamma nammineq meeqqallu peroriartornerminni atugaat pillugit oqaluttuarsimasut. Taakkoqanngitsuuppat suleqatigiinneq una isumaqarsimassan-gikkaluarpoq.

Immikkorluinnaq qujaffigerusuppakka inuusuttut siunnersorti-vut »KS Young Advisors«. Ilissi pineqarput, aamma meeqqat inuusuttullu qanoq innerannik ilisimasortaavusi. Akunnerpassuarni atorsimasassinni, aamma uagut ilisarimannilerfitsinni, ilinniar-simavusi, ineriartorsimavusi aamma oqaluttuuppatsigut, ilissi Pisinnaatitaaffisi pillugit qanoq ajunnginnerpaamik sulisoqarsin-naanersoq. Oqaatsit taakku atorlugit ilissi inersimasullu inner-suussutarsi Kommuneqarfik Sermersuumut ingerlateqqippavut.

Inussiarnersumik inuulluaqqusillunga

Aviâja Egede Lyng, Meeqqat Illersuisuat



2014-imi Kommuneqarfik Sermersooq sinnerlugu kommunimi meeqqat Pisinnaatitaaffii nukit-torsarniarlugit MIO-mik suleqatigiin-nissamik isumaqatigiissut atsiortara. Kingorna MIO-p meeqqat sullinniarlugit ilungersorsimavoq kommunimilu innersuussassanik paasisanillu katersiniarluni angalasi-malluni, meeqqallu 1.000-it missaat meeqqat Pisinnaatitaaffii pillugit ilinniartinneqarsimapput. Meeqqat Kommuneqarfik Sermersuumi siunnersortinngorsimap-put inuusuttut, piffissamilu tassani qaammammut ataasiarlutik meeqqanuk siunnersorti peqatigalugu MIO-mi naapeqatigiittar-lutik.

Allatut oqaatigalugu annertuumik pingaarutilimmillu ukiuni marlungulersuni sulisimapput.

Suliaasa inernerat tigummivat kisianni soorunami meeqqat Pisin-naatitaaffii nukit-torsarniarlugit sulineq tassunga killeqassanngilaq. Meeqqat tusaaniarneqarnissaat

meeqqallu tamarmik pitsaanerpaamik atugaqarlutik ineriartornis-saminnut periarfissaqarnissaat ataatsimoorluta qulakkiissavarpud. Tunaartaqaarnerulluta pitsaanerumillu suleriaqqinnissatsinnut meeqqanik, inuusuttunit, innuttaasunit meeqqanillu sullissisunit erlinnaqisumik misillittagaqalersimavugut.

Sulisut ataasiakkaat kikkulluunniit innuttaasullu meeqqat inger-lalluarnissaannut kivitseqataanissamut akisussaaffimmik tigusi-nissaat pingaartuuvog. Kommuneqarfik Sermersuumi meeqqat tamarmik iluaqutissaannik suliniuteqaqqinnissatsinnut nalituunik sakkussaqaalerpugut.

Naggataagut sulisut tamaasa tunniusimallutik annertuumik sulisi-manerannut qutsavigaakka, MIO-lu sulilluarsimaneranut suleqa-tigiilluarsimanitsinnullu qutsavigalugu, neriuupugullu meeqqat tamarmik Pisinnaatitaaffiisa attanneqarnissaannut siuarsarnis-saannullu tamanna aqutissiuusseqataassasoq.

Inussiarnersumik inuulluaqqusillunga

**Asii Chemnitz Narup, Borgmesteri,
Kommuneqarfik Sermersooq**

Kommuneqarfik Sermersooq aamma MIO meeqqat pisinnaatitaaffii pillugit ataatsimoorussaqrput

2014-mi MIO-mi Meeqqat Illersuisorisimasaat, Aaja Chemnitz Larsen, aamma Kommuneqarfik Sermersuumi borgmesteri, Asii Narup Chemnitz, Kommuneqarfik Sermersuumi meeqqat pisinnaatitaaffiisa nakussassarneqarnissaat siunertaralugu suleqatigiinnissamik isumaqatigiissuteqarput.

Naalagaaffiit Peqatigiit Meeqqat Pisinnaatitaaffii pillugit isumaqatigiissutaat aallaavigalugu Kommuneqarfik Sermersooq aamma Meeqqat pisinnaatitaaffii pillugit sullissivik MIO, meeqqat pisinnaatitaaffiisa nakussassarneqarnissaanik kissaateqarput. Isumassarsiaq tassaavoq ilisimasat annertusineqarnerisigut nukittunerusumik periarfissaqarnerusumillu meeqqanut ajunnginnerusussaq pillugu iliuuseqartoqarsinnaanngornissaq. Taamaalilluni suleqatigiinneq kommuneqarfiup killeqarfiata iluani meeqqat pisinnaatitaaffii pillugit oqaloqatigiinneq ilisimasaqarnerulernerlu aqutugalugit nukit-torsaassaaq, aamma suliniutigineqartut meeqqanut, inuusutunut, innuttaasunut (inersumasunut), meeqqanut sullissisunut aamma kommunimi politikerinut attuumatinneqassapput.



Borgmesteri Asii Chemnitz Narup aamma
Meeqqaat Illersuisorisimasaat Aaja Chemnitz Larsen.

Kommuneqarfik Sermersuumut aamma MIO-mut pingaarpoq suleqatigiinnerup nersuerpaluttumik toqqammaveqarluni ingerlanneqarnissaa, aamma sutigut kommunimi meeqqat pisinnaatitaaffii nakussassarneqarsinnaanersut aallutissallugit, assersuutigalugu aalajangersimasunik suliniuteqarnikkut, suleriaatsinik pingaartitanillu allannguinnikkut. Taamaattumik inuit ataasiakkaat akisussaaffimmik taassuminnga qanoq kivitsiqataasinnaanersut aallunneqarsimavoq.

Suliassaqrarfiit akimorlugit ingerlatsineq, ataatsimut isiginninneq aamma meeqqat aallaavigalugit suliqaarneq suleqatigiinnissamut isumaqatigiissummi qitiutillugit inissisimatinneqarsimapput.

MIO isumaqatigiissummut ilaatillugu pisussaaffilerpoq Naalagaaffiit Peqatigiit Meeqqat pillugit Isumaqatigiissutaata kommuneqarfimmi meeqqanut inuusuttunullu ilisimaneqarnerata siammarternissaa. MIO-p ilanngullugu suliassarisima-vaattaq Kommuneqarfik Sermersuumi sulisut/meeqqanik sullissisut suliamut tunngatillugu ineriartortinneqarnissaat aamma suliniutigineqartut nutaamik eqqarsaatigineqarnissaat ilanngullugu, taamaaliornikkut meeqqat taakkulu pisinnaatitaaffii sulinerannut aallunneqarnerulerniassammata.

Suliniutinut tunngatillugu Kommuneqarfik Sermersooq sulisussanik piareersimasuuteqarsimavoq aamma atuarfinnut attaveqarnissanik suliqaarsimavoq, taamaaliornikkut MIO meeqqat inuusuttullu taakku pisinnaatitaaffii pillugit ilinniartitsinnaaniassamat, aamma pisinnaatitaaffiit qanoq kinguneqarneri ilanngullugit. Kommuni aamma pisussaaffilerpoq meeqqat pisinnaatitaaffii pillugit suliqaarnermut tunngatillugu avammut nalunaaruteqartarnissamik isumagisaqassalluni, tamatumani pineqarlutik sulisunut, tusagassiuutinut innuttaasunullu nalunaaruteqartarnerit.

Suleqatigiinneq ukiuni marlungajanni ingerlareerpoq, naam-massineqassallunilu 2015-imi novembarimi. Piffissap ingerlanerani Kalaallit Nunaat nutaamik Meeqqat Illersuisortaarpoq, Aviâja Egede Lynge. Taanna novembarimi MIO-p sulisui kommunimilu inuusuttut eqjimatat peqatigalugit Kommuneqarfik Sermersuumi kommunalbestyrelsanut suleqatigiinneq, misilittagarineqalersimasut aamma innersuussutigineqartut pillugit oqaaseqassaaq, tamakkulu peqataasorpasuarmit saqqummiunneqarput.

**Suliassaqrarfiit
akimorlugit
ingerlatsineq**


**Ataatsimut
isiginninneq**

**Meeqqat aallaavigalugit
suliqaarneq**

Aningaasaqarneq

Suleqatigiinnermut atatillugu aningaasartuutit Kommuneqarfik Sermersuumi aamma MIO-p avippaat. Kommuneqarfik Sermersooq Naalagaaffiit Peqatigiit Meeqqat Pisinnaatitaaffii pillugit Isumaqatigiissutaat ilisimaneqarneruleqqullugu aningaasartuutinut ukiumut 100.000 koruuninik immikkoort-sisarpoq. Aningaasartuutit tamakku meeqqanik atuartsiner-nut, meeqqanik sullissisunut aamma kommunimi politikerinut atornerarput; ilaatigut nerisaqarnermut, atorussanut, Kom-muneqarfik Sermersuumi inoqarfinnut assigiinngitsunut anga-





lanernut aamma nalunaarusiap uumap ilusilersorneqarneranut naqiterneqarneranullu. MIO-p angalanermut aningaasartuutit affai matussuserpai. MIO-p ilanngullugu meeqqat pisinnaatitaaffii pillugit paasisitsiniaanermut atatillugu sulisoqarnermut aningaasartuutit tamaasa isumagai.

Isumaqatigiissutip ingerlanera

MIO-p meeqqat pisinnaatitaaffii pillugit suliaqarnermini sullinniakkat tamakkerniarnissaat qulakkeerniarpa. MIO-p meeqqat inuusuttullu, meeqqerivinni atuarfinnilu meeqqanik sullissisut aamma kommunimi sulisut allat politikerillu toqqaannaq suleqatigivai. Periarfissaqarfinni ilanngullugu Naalagaaffiit Peqatigiit Meeqqat Pisinnaatitaaffii pillugit Isumaqatigiissutaat kingorna oqalliseqatigiinnissamik periarfissiilluni innuttaasunut ataatsimiissutigineqarpoq.

MIO-p annertuumik pingaartippaa meeqqat nammineq atugarisartik pillugit tusarneqarnissaat. Taamaattumik kommunimi meeqqat qanoq oqaasissaqarnerat aallaavigalugu suleqatigiinneq ingerlanneqarpoq. Tamanna periaatit marluk atorlugit ingerlanneqarpoq; kommunimi meeqqat klassinit assigiingitsuneersut ilinniartinnerisigut suleqatigiiliortarnertigullu aamma sammineqartut itinerusumik iserfiginiarlugit kommunimi inuusuttut suleqatiginerisigut, tamatumani sammineqarluni Kommuneqarfik Sermersuumi inuusuttuuneq qanoq ittuuner-soq. Eqimattat taakku MIO-p taavai »KS Young Advisors«.

Isuma tassaavoq kommunimi inoqarfinni assigiingitsuni meeqqat ilisimasaasa innersuussutaasalu meeqqanik sullissisunut ingerlateqqinneqarnissaat, tamannalu pissasoq Meeqqat pisinnaatitaaffii pillugit taakkununga aaqjissuunneqarsimasunik ilinniartitsinikkut suleqatigiissitsinikkut. Tassannga ataatsimut ilisimalikkat Kommuneqarfik Sermersuup kommunalbestyrelsanut ingerlateqqinneqartussanngorlugit.

Meeqqat piginnaatitaaffii pillugit ilisimasaniq siammarteriner-mut suleriaasissatut MIO-p toqqar-paa ilinniartitsineq suleqatigiissitaliernerlu. Meeqqanut siunnersorti Ellen Bang Bourup aamma siunnersorti Nauja Benjaminsen, tamarmik MIO-meersut, meeqqat meeqqanillu sullissisut ilinniartillugit Kommuneqarfik Sermersuup tamangajaat ornippaat. Illoqarfinni nunaqarfinnilu assigiingitsuni ilisimasat ilinniartitsiner-mut atatillugu oqaloqatigiinnikkut ataavartumik katersorneqarput, aamma kommunalbestyrelsemut kingorna nalunaarusi-atut innersuussutitullu atugassanngorlugit allatorneqarlutik.

Una nalunaarusiap suliniuteqarnerup ingerlaneraniq aamma paasiniaaqatigiittarnerit tamaasa pillugit katersuinerullunilu allaatiginninneruvoq. Nalunaarusiap ilanngunneqarputtaaq meeqqanik, inuusuttunit, innuttaasunit meeqqanillu sullissisunit kommunalbestyrelsemut innersuussutit, pineqarluni Kommuneqarfik Sermersuumi meeqqat piginnaatitaaffii qanoq

nukittorsarneqarsinnaanersut aamma meeqqat atugaasa pitsanngortinnissaat siunertaralugu sutigut suliniuteqartoqarsinnaanersaq.

Kommunip qanoq suleriaaseqarnera imaluunniit meeqqat pillugit qanoq politikkeqarnera MIO-p nalilersussallugit periarfissaqarfiginngilai, aamma isumaqatigiissummi tamanna siunertaanngilaq. Taamaattumik nalunaarusiap innersuussutigineqartut MIO-p innersuussutiginngilai, kisianni kommunimi innuttaassuneerput – utoqqarnit inuusuttunillu.

Suleqatigiinnerup nalaani suliniutigineqartut

Isumaqatigiissutip piviusunngortinniarnera 2014-imi aggustimi aallartippoq, taamaalinerani MIO Nuup nunaqarfiisa ilaani Qeqertarsuatsiaani tikeraarluni, tassanilu nunaqarfinni meeqqanik sullissisut Naalagaaffiit Peqatigiit Meeqqat Pisinnaatitaaffii pillugit Isumaqatigiissutaat pillugu ilinniartinneqarlutik. Aasaanerani atuannigiffeqar-neq pissutigalugu nunaqarfinni meeqqat ilinniartinneqanngillat.

2014-imi septembarimi Tasiilamut angalasoqarpoq, tassani Tasiilami Alivarpimmi atuartut toqqarneqarsimasut MIO-mit ilinniartinneqarlutik. Tamatuma saniatigut meeqqat pisinnaatitaaffii pillugit meeqqanik sullissisunut paasiniaaqatigiissitsisoqarpoq, aamma aqqanilinnik peqataasooqartumik innuttaasunut ataatsimiititsisoqarpoq, tassani meeqqat pisinnaatitaaffii Tasiilamilu atugaat pillugit oqallittoqarluni.

Aammattaq 2014-imi septembarimi kommunip nunaqarfinni aqutsisuinut oqallissaarisooqarlunilu suleqatigiiliornikkut ataatsimiititsisoqarpoq. Ilinniartitsiner-mi sungiusarner-milu tassami kommunip nunaqarfinni aqutsisut 16-nit peqataapput. Ilinniartitsineq Nuummi kommunalbestyrelsip ataatsimiittarfiani ingerlanneqarpoq.

2014-imi oktobarimi aaqjissuussineq Ittoqqortoormiini ingerlanneqarpoq. Tassani Ejner Mikkelsenip Aluar-piani 4.- 9. klassit Naalagaaffiit Peqatigiit Meeqqat Pisinnaatitaaffii pillugit Isumaqatigiissutaat pillugu ilinniartinneqarput. Illoqarfinni meeqqanik sullissisut ilanngullutik meeqqat pisinnaatitaaffii pillugit oqallissaaruteqarfigineqarlutillu suleqatigiiliornikkut ataatsimiitinneqarput.

2014-imi decembarimi Paamiuni Atuarfik Tuisami 4.- 9. klassinut Naalagaaffiit Peqatigiit Meeqqat Pisinnaatitaaffii pillugit Isumaqatigiissutaat pillugu ilinniartinneqarput, tamatumalu kingorna kommunimi meeqqat pisinnaatitaaffii qanoq nukittorsarneqarsinnaanersut pillugit suliaqarlutik ingerlaqqippat. Aammattaq illoqarfinni meeqqanik sullissisut tamarmik meeqqat pisinnaatitaaffii pillugit oqallissaaruteqarfigineqarput suleqatigiiliornikkullu ataatsimiitinneqarlutik. Innuttaasunuttaaq ataatsimiititsisoqarpoq, tassani 15-nit

takkullutik, taamalu illoqarfimmi meeqqat atugaat pillugit oqallillutik.

2015-imi januaarimi kommuneqarfik Sermersuup Peqqinnermut, Pitsaaliuinnermut Susassaqartitsinermullu immikkoortoqarfiani ilinniartitsisoqarlunilu suleqatigiissitaliorluni ataatsimiititsisoqarpoq.

2015-imi septembarimi Nuummi atuartut 850-init amerlanerut meeqqat pisinnaatitaaffii pillugit MIO-p ilinniartippai. Ilinniartitsineq kommunip atuarfiutaanni ingerlanneqarpoq; Atuarfik Samuel Kleinschmidt (ASK), Atuarfik Hans Lynge (AHL), Kangillinguit Atuarfiat (KA), Atuarfik Ukaliusaq (USK), Nuusuup Atuarfiat (NA), aamma atuarfik namminersortoq Nuuk Internationale Friskole (NIF). Ilinniartitsineq sapaatit-akunnerini 37-imi 38-imilu ingerlanneqarpoq. Atuarfinni tamani ilinniartitsineq ulloq ataatsimik sivilissuseqarpoq. Meeqqanut suleqatigiillornikkut ilinniartitsineq ingerlanneqarpoq, taakkulu atuaqatigiikkutaannut agguarneqarlutik pingaartumik ukioqatigiit aalajangersimasut sullinniarneqarput. Pingaarnertullugu sullinniarneqartut imaluunniit ukioqatigiit kingorna klassimi ilinniartitsisortik peqatigalugu ilisimalikkatik atuartut sinnerinut siammarterniarlugit suliniuteqarniartussaapput.

Sapaatit-akunnerani 39-imi Nuummi meeqqat atuarfiini, meeqqerivinni allanilu meeqqanik sullissisut 125-it ilinniartinneqarput. Meeqqanik sullissisunut paasiniaaqatigiissitsineq

illoqarfiup immikkoortitaarneqarnera naapertorlugu ingerlanneqarput. Siunertarineqarpoq meeqqanik sullissisut peqataasut paasiniaaqatigiinnerup kingorna meeqqat pisinnaatitaaffii pillugit illoqarfiup immikkoortortaanni meeqqanik sullissisunut allanut ilinniartitsissasut.

Meeqqanut meeqqanillu sullissisunut paasiniaaqatigiinnerit amerlasuut saniatigut 2014-ip ingerlanerani inuusuttut eqimattat sisamanik-arfinilinnik inuttallit, 13-17-nillu ukiullit MIO-p suliniuteqarfigivai, taaguutillit »KS Young Advisors«. Inuusuttut Nuummi najugaqarput. KS Young Advisors tasaaapput Meeqqat Illersuisuata Kommuneqarfik Sermersuumi meeqqat inuusuttullu pillugit siunnersortai. KS Young Advisors ataavartumik meeqqat pisinnaatitaaffii pillugit ilinniartinneqarsimapput, Nuummi inuusuttuuneeq pillugu assigiinngitsutigut oqallittarput aamma kingorna kommunalbestyrelsimut innersuussuteqaatiminnik allattuipput, taakkulu 2015-imi novembarimi kommunalbestyrelsimut saqqummiunneqassapput.

Suliniuteqarnerup qanoq ingerlanissaa aallaqqaataaniit isumaqatigiissummi allattorneqareerpoq, taamaaliornikkut suliniutigineqartut ukiup ataatsip ingerlanerani naammasineqarsinnaanniassammata, kisianni Kommuneqarfik Sermersuumi aamma MIO-mit sulisoqarnikkut unamminartorsiorneq pissutigalugu tamanna ajornarluni. Suliniutigineqartussat tamarmik naammasineqarsinnaaqullugit isumaqatigiissut sivitsorneqartariaqarpoq.

| Ulloq | Najugaqarfik | Peqataasut | Suliniut |
|------------------------------|-------------------|---|--|
| Aggusti 2014 - Oktobari 2015 | Nuuk | KS Young Advisors | Suleqatigiit |
| Aggusti 2014 | Qeqertarsuatsiaat | Meeqqat, meeqqanik sullissisut, innuttaasut | Oqallissaaruteqarneq, suleqatigiit, innuttaasunut ataatsimiititsineq |
| Septembari 2014 | Tasiilaq | Meeqqat, meeqqanik sullissisut, innuttaasut | Oqallissaaruteqarneq, suleqatigiit, innuttaasunut ataatsimiititsineq |
| Septembari 2014 | Nuuk | Nunaqarfinni aqutsisut | Oqallissaaruteqarneq aamma suleqatigiit |
| Oktobari 2014 | Ittoqqortoormiit | Meeqqat, meeqqanik sullissisut | Oqallissaaruteqarneq aamma suleqatigiit |
| Decembari 2014 | Paamiut | Meeqqat, meeqqanik sullissisut, innuttaasut | Oqallissaaruteqarneq, suleqatigiit, innuttaasunut ataatsimiititsineq |
| Januaari 2015 | Nuuk | Peqqinneq, Pitsaaliuineq Susassaqartitsivillu | Ilinniartitsineq |
| Septembari 2015 | Nuuk | Meeqqat, meeqqanik sullissisut | Oqallissaaruteqarneq aamma suleqatigiit |
| Oktobari 2015 | | Nalilersuineq nalunaarusiornerlu | Ataatsimeeqatigiinneq nalunaarusiornerlu |
| Novembari 2015 | | Kommunalbestyrelsimut saqqummiussineq | Nalunaarusiaq innersuussutitalik saqqummiunneqarpoq |



KS Young Advisors



KS Young Advisors tassaapput Meeqqat Illersuisuata Kommuneqarfik Sermersuumi meeqqat inuusuttullu pillugit siunnersortai. Ilinniartitsineq aamma oqalliginninnerit aqutugalugit KS Young Advisorsikkut innersuussutit arlallit allattorsimavaat.

KS Young Advisors MIO-p Kommuneqarfik Sermersuumut suleqatigiinnissamik isumaqatigiissutaanut atatillugu pilersin-neqarsimapput, ilaappullu inuusuttut eqimattat sisamanik-arfinilinnik inuttallit, 13-17-nillu ukiullit. KS Young Advisorsikkut nalinginnarmik qaammammut naapittarput – meeqqanut siunnersorti MIO-meersoq Ellen Bang Bourup peqatigalugu – sulinerminullu tunngavigisaat tassaapput »Meeqqat meeraa-nertik pillugu paasisimasaliupput« aamma »Nothing about us, without us«. Kommunimi inuusuttut akornanni tamarmik assigiinngitsunik tunuliaquteqarlutik aggersuupput – ilaatigut ilaqtutat, atuarfik kulturilu eqqarsaatigalugit. KS Young Advi-sorsikkut assigiinngitsunik sammisaqartarsimapput, ilaatigut atuartuuneq, timip nammineq aalajangiiffigisinnaaneranut pinnaatitaaffiit, ineqarneq, innarluuteqarneq peqqissuunerlu sammisimallugit, aamma sammisat tamakku Naalagaaffiit Pe-qatigiit Meeqqat Pinnaatitaaffii pillugit Isumaqatigiissutaanut sanilliullugit oqalligisimallugit, aamma namminneq ikinnguti-gisallu misilittagaat ilanngullugit.

Ataatsimiitarsimerit tunuliaqutaralugit KS Young Advi-sorsikkut kommunalbestyrelsimut innersuussuteqarlutik suliaqar-simapput, taakkulu inuusuttut namminneq 2015-mi novem-barimi kommunalbestyrelsimut saqqummiutissavaat.

Tamatuma pinnginnerani tamarmik oqariartuuteqarnissamut pikkorissarnissamut periarfissineqassapput.

KS Young Advisorsikkut kommunalbestyrelsimut innersuussutaat

KS Young Advisorsikkut pinnaatitaaffiit pingaernerit sisamat sammisimavaat. Pinnaatitaaffinnut ataasiakkaanut pissutsit assigiinngitsut eqqartortarsimavaat, tamakkulu kommunal-bestyrelsip isiginiartariaqarpai.

Nalinginnarmik meeqqat pinnaatitaaffii pillugit KS Young Advisorsikkut pingaartut isigaat, tunngaviumik atugassarititaasut, soorlu ineqarneq, nerisassaqaarneq atisa-saqarnerlu, sammineqartariaqartut, aamma mobilimik atisa-nilluunniit nutaaliaasunik pigisaqarnerminngaanniit tamakku pingaarnerusut meeqqat ilinniartariaqaraat. Tamatumunnga atatillugu ilaqtariinnut pissakinnernut atisanik tunissuteqar-neq periarfissaasinnaavoq.

Inersimasuttaaq atonerluinerit suugaluartulluunniit meeqqanut illersuussutiginnissaat eqqumaffigissavaat.

Meeqqat illersorneqarnissamut ineriartornissamul-lu pinnaatitaaffeqarput, tamannalu isumaqarpoq, uummammugiisanik oqaatiginninnissamut meeqqat inersima-sumik ornissinnaasaminnik peqassasut. KS Young Advisorik-kut siunnersuutigaat taanna tassaassinnaasoq atuarfimmi isumagininnermut siunnersorti. Aammattaaq inersimasut ilinniartitsinermikkut isumannaassavaat meeqqat nammineq allallu killeqarfiinik paasinninnaanngornissaat. Ilinniartitsi-neq allanngorassaaq, tassami meeqqat assigiinngisitaartumik ilinniartarput.

KS Young Advisorsikkut ilanngullugu eqqartorpaat meeqqanik atonerluineq unitsinneqassasoq, angerlarsimaffeqanngitsut pitsaannerusumik atugassaqaassasut aamma suliffissaqaq-ngitsut ikiorneqarnerussasut.



MIOp KS Young Advisorillu ataatsimiinneranit.

Meeqqat ilaat neriarforfigisinnaasaminnik pisariaqartitsipput, aamma neriniartarfiit niuertarfiillu annertuumik »nerisassanik maangaannartitsisarput«.

Meeqqat assigiinngisitsisoqannginnissaanik pisinnaatitaaffeqarput aamma naligisatut iliorfigineqassapput. Angerlarsimaffimmi allamiluunniit najugaqartoqaraluarpat angerlarsimaffik toqqissisimanartuussaaq. Siniffeqassaaq, nerisassat, kialaarneq, tv-qarnissamut uumasuuteqarnissamulluunniit periarfissaqassaaq ilaalu ilanngullugit. Meeqqat soqutigisaat siuarsarneqassapput, assersuutigalugu sunngiffimmi sammisassanut akisusinnaasunut akiliuteqartarnerit tapiissuteqarfiginerisigut. Meeqqat innarluutillit ikiortissaqanngitsutut misigisimassanngillat, aamma taamaattumik tamanit ornineqarsinnaasut, soorlu atuarfiit niuertarfiillu, innarluutillinnut naleqqussarneqassapput. Isumassarsiatsialaassaaq innarluuteqartuulluni qanoq ittuunersoq pillugu ilinniartoqarsinnaappat.

Meeqqat atuarfiini atuartuuneq pitsanngorsarneqassaaq aamma nikassarisoqartassanngilaq. Inuiaqatigiit ataatsimut isigalugit nikassaanermik atugaqarfiussanngillat.

Meeqqat aamma aalajangeeqataanissaminnut peqataatinneqarnissaminnullu pisinnaatitaaffeqarput. KS Young Advisorsikkut isumaqarput illoqarfimmi nunaqarfimiluunniit nutaanik pisoqartillugu kommuni meeqqanut nasuiaateqartassasoq. Massakkutut itsillugu, assersuutigalugu nutaamik arsaattarfittaartoqarsimatillugu ilisimatitsisoqarneq ajorpoq. KS Young Advisorsikkut naapertorlugit paasissutissat meeqqanut tunniunneqartartut naammaganngitsorujussuupput. Kommunalbestyrelsip ataani meeqqanik siunnersortissanik kommuni pilersitsisinnaavoq, taannalu meeqqanut tunngassuteqartunik aalajangersaasoqartillugu ikiuisinnaavoq. Aammattaaq atuarfinnut klassinullu allagaqarnikkut nalinginarmik kommunip meeqqat tusarniarsinnaavai.

KS Young Advisorsikkut isumaqarput, pinnguartarfiit pitsaernerusut atorfissaqartinneqartut imaluunniit sunngiffimmi sammineqarsinnaasut allat, assersuutigalugu timersornerit, aamma sunngiffimmi sammineqarsinnaasut tapiissuteqarfigineqarnissaanut periarfissaqartariaqarpoq imaluunniit akikinernerusumik/akeqanngitsumik pissarsiarineqarsinnaasunngortinneqarlutik.¹

Inuusuttut eqimattat mikisut sulinermut peqataatinneqarnerinut misilittakkat

Eqimattat – KS Young Advisorsikkut – katitigaanerannut siunertaasimavoq inuusuttut akornanni assigiinngisitaartumik eqimattaliornissaaq, taakkulu assigiinngitsunik paasisaqarnissamut piginnaaneqarlutillu atugarisatigut assigiinngitsumik tunuliaquteqassasut. Eqimattani inuusuttut inuiannit assigiinngitsuninngaanerperut, inuusuttunit innarluutillinnit, inuusuttunit angerlarsimaffiup avataani inissineqarsinasunit (aamma angerlarsimaffimmi najugalinnit) inuusuttunitaarlu nunaqarfinni peroriartorsimasunit. Inuusuttunik taamak assigiinngisitaartigisumik tunuliaqutalinnik katersuineq imaannaasimanngilaq, sulinerulli ingerlanerani tamanna iluatsissimavoq. Ataatsimiittarnernut atatillugu aallaqqaammulli MIO-p aalajaatsumik takkuttarneq misigaa. Sulinerup ingerlanerani inuusuttut arlallit inuttut atugaqarnerit pissutigalugu ataatsimiinernut takkutitsoortarsimapput. 2015-imi ukariartora eqimattat inissivissimapput, inuusuttullu eqimattat aalajangersimasut ataatsimiinernut pinerit tamaasa takkuttalerput. Inuusuttut imminnut ilisarimalernissaminnut piffissamik pisariaqartitsisimapput aamma MIO-p ilisimalernissaa ilanngullugu. Inuusuttut piffissap ingerlanerani peqataajunnaartartut ataatsimiinernut pinerit tamaasa takkussinnaannginnertik pissutigalugu unittarsimapput. Ataatsimut isigalugu MIO misigisimavoq inuusuttut Kommuneqarfik Sermersuumi meeraaneq inuusuttuunerlu pillugit ilisimaarinnittut aamma allanut ilisimasaminnik avitseqatigiissuteqarusuttut. Ilinniartitsinerit oqaloqatigiinnerillu aqutugilugit pisinnaatitaaffiit pillugit inuusuttut ilisimasaqarnerulernissamik ineriartortitsisimapput, tamakkulu ikinngutiminnut ilaqtaminnullu avitseqatigiissutigisarsimavaat. MIO misigisimavoq inuusuttut ammanerulerlutillu ineriartortut.

1 KS Young Advisorsikkut innersuussutaat ilanngussami 1-mi atuakkit.



Nunaqarfimmi aqutsisunut isumasioqatigiissitsinerit

Kommuneqarfik Sermersooq tamakkerlugu nunaqarfinni aqutsisut nunaqarfinni meeqqat pisinnaatitaaffii sammillugit isumasioqatigiinnernut peqataapput. Aqutsisut pisinnaatitaaffiit pillugit oqallissaarum-mik tunineqarput aamma pisinnaatitaaffiit pillugit sungiusarnermut assigiinngitsunut tunniusimallutik suleqatigiikkuutaanut peqataapput.

Suleqatigiikkuutaarluni sulinermut aqutsisut ilaatigut suleqatigivaat »Meeqqat pisinnaatitaaffii ilinniartitsissutigisigut«. Nunaqarfinni aqutsisut nammineq misigivaat, Naalagaaffiit Peqatigiit Meeqqat Pisinnaatitaaffii pillugit Isumaqatigiissutaat ilinniartitsissutigineqarneranut meeraalluni qanoq misiginar-nersoq. Meeqqat atugaat pillugit oqalliluartoqarpoq paasin- nittoqarlunilu.



Nunaqarfimmi aqutsisut meeqqat pisinnaatitaaffii pillugit isumasioqatigiissitsinerannit assit

Peqataasut

Anda Nathanielsen,
Qeqertarsu. (IA)

Peter Jonathansen,
Tiniteqilaaq (IA)

Otto Nakinge,
Tiniteqilaaq (A)

Peter Uitsatikitseq,
Sermiligaaq (A)

Daniel Pivat,
Kuummiut (A)

Justus Poulsen,
Kulusuk (S)

Peter Natanielsen,
Sermiligaaq (S)

Salo Kajangmat,
Kuummiut (S)

Ingvar Motzfeldt,
Qeqertarsuat. (S)

Jakob Josefsen,
Kapisillit (S)

James B. Ignatiussen,
Isortoq (S)

Bent Abelsen,
Kulusuk (S)

Boas Boassen,
Kuummiut (S)

Jonathan Jacobsen,
Qeqertarsu. (S)


Niels Peter Mikaelson,
Arsuk (S)

Meeqqanut inuusuttunullu isumasioqatigiissitsinerit

Meeqqat meeraaneq pillugu ilisimatuujupput. Oqaaseqatigiit taakku tassaapput MIO-p najoqqutarisai aamma MIO-p meeqqanut isiginnittaasianut takussutissaapput. Naalagaaffiit Peqatigiit Meeqqat Pisinnaatitaaffii pillugit Isumaqatigiissutaat erseqqissuliorpoq, meeqqat namminneq atugarisaminnut tunngatillugu peqataatinneqassasut, aamma nammineq isum-mersorsinnaatitaasut. Taava inersimasut ajunnginnerpaamik meeqqanut pitsaanerusussat isumagisussaavaat, kisianni taakku pillugit isumaliutiginninnermi, nalilersuinnermi aalaja-ngernermilu meeqqat isumaat sanilliuatissanaq.

Taamaattumik ilanngullugu pingaartorujussuuvoq meeqqat inuusuttullu suleqatigiinnermut peqataasut inissisimatinne-qarnissaat. Akulikitsumik uagut inersimasut meeqqat qanoq atugaqarnerat, sitigut unaminartorsiornerat imaluunniit nuannersumik misigisaqarnerat pillugit oqariartortarpugut. Suleqatigiinnermi uani meeqqat nipaata tusaaneqarpoq.

Meeqqat peqatigalugit isumasioqatigiissitsinerit ingerlanne-qarnerini meeqqat pisinnaatitaaffitsik pillugit ilisimasaqar-nerujussuat tupaallassutigiuarparput. Pinerit tamaasa meeqqat tassaassanngillat pisinnaatitaaffitik pillugit eqqor-tumik oqaasertalersuisinnaasut, kisianni tunngaviusumik pisinnaatitaaffiit suunersut nalunngilaat. Aammattaaq ikinngutigisat imminnut naleqqiullutik allatut atugassaqarnerat meeqqat annertuumik paasisimasaqarfigaat, aamma immaqa artornartorsiorlut. Kommunimi isumasioqatigiittarnerpassuarni MIO-p meeqqat naapittagai qiimasuupput, tunniusimapput aamma suut pineqarnerisut eqqarsaatigisarpaat. Innersuus-suteqaatiminni tigussaasunik tunniussaqaqarput, aamma naak tamarmik nalinnaavigineqarsinnaanngikkaluartut, taamaattoq kommunimi meeqqat sunik soqutigisaqarneranik ajunngitsu-mik takussutissiisoqarpoq.



"Meeqqat pisinnaatitaaffii atuartitsissutigineqarlik" pillugu sungiusarnermit assit.

Meeqqanik sullissisunut isumasioqatigiissitsinerit

Suleqatigiinnissamat isumaqatigiissut naapertorlugu kommunimi sumiiffinni assigiinngitsuni meeqqanik sullissisunut isumasioqatigiissitsisoqartarpoq, meeqqanut inuusuttunullu suliaqarfii assigiinngitsut aallartitaqarnermik peqataaffigisaannik. Kommunimi atorfillit saniatigut politiit peqqinnisaqarfimmilu sulisut peqataanermikkut meeqqat pisinnaatitaaffii pillugit suliaqarfii akimorlugit iliuuseqartoqarnissaata pisariaqarnera suleqatigiittoqartariaqarneralu paasillugulu uppersarpaat.

Paasiniaaqatigiissitsineri siunertaavoq Naalagaaffiit Peqatigiit Meeqqat Pisinnaatigaaffii pillugit Isumaqatigiissutaata ilisimaneqarnerulernissaa aamma meeqqanik sullissisut ulluinnarni qanoq tamakku atulersinnaaneraat. Isumasioqatigiinnerni suliaqarfii akimorlugit ingerlatsinissaq pingaartinneqarpoq, aamma ulluinnarni suleqatigiinnerup nukittorsarneqarsinnaaneranut siunnersuutit saqqummiunneqarput.

Isumasioqatigiinnerit MIO-mik ilisaritsinermik aallaqqaasernerqartarput, atorfeqarfiup qanoq siunertaqarneranik aamma Naalagaaffiit Peqatigiit Meeqqat Pisinnaatitaaffii pillugit Isumaqatigiissutaat ilanngullugu. Angalanissat eqqarsaatigalugit periarfissaqartillugu atorfeqarfik sinnerlugu Meeqqat Illersuisuat Aviâja Egede Lynge Nuummi peqataasarpoq.

Kommuneqarfik Sermersuumi meeqqat suleqatigalugit inner-suussutigineqartut ingerlateqqinneqarnerisa saniatigut isumasioqatigiinnerit suleqatigiinnissamat sungiusaatinik imaqartinneqartarput, tamatumani pingaarnertut sammeneqartarluni 'meeqqamat ajunnginnerusussaq'. Aammattaq siunissami meeqqanut inuusuttunullu sullissinissat pillugit suliaqarfii akimorlugit eqimattakkuutaarluni sulisoqartarpoq. Eqimattani sulinerit aallaavigalugit kattulluni ataatsimiinnerit aqutigalugit Kommuneqarfik Sermersuumi meeqqat pisinnaatitaaffii pillugit siunissami suliniuteqarnissat eqqartorneqartarput. Ataani inner-suussutigineqartut taamak eqqartueqatigiinnernut atatillugu saqqummiunneqartunit tigusapput.

Ataatsimut isigalugu peqataasut tunniusimanagerat imaappoq, sammeneqartut suliaqarfii akimorlugit ilisimasanik avitseqatigiinnissamat periarfissaqarneruq naleqquttutut isigi-gaat. Paasiniaaqatigiinnerit sammeneqartumut annertuumik soqutiginninnermik takutitsivisarput, tamannalu paasisaqarnerulerfiusunik qaammaasaqarnerulerfiusumillu oqallinnermik pilersitsivisarpoq. Paasiniaaqatigiinnerni amerlanerni oqartuutigineqarpoq suliaqarfii akimorlugit suleqatigiinneq siunissami anguniarneqarnerulissasoq.

MIO-p meeqqanik isiginnittaasia

Meeqqat inersimasutulli naleqarput.

Meeqqat meeraaneg pillugu ilisimatuujupput.

Meeqqat atugarissaarnerat ineriartorerallu ataatsimut isigineqassapput.

Meeqqat toqqissisimallutik, asaneqarlutik, killilerneqarlutik akuerineqarlutillu peqqissumik alliertornissaannut inersimasut akisussaapput.

Meeqqap pisariaqartitai tamatigut siulliunneqassapput.

Meeqqat tamarmik tamatigut qanilaartumik, akuersaartumik pimoorussisumillu naapinneqartassapput.

Meeqqap siornatigut, ullumikkut siunissamilu atugai eqqarsaatigalugit inuunera tamakkiisumik isiginiarneqassaaq.

Qeqertarsuatsiaani

meeqqat pisinnaatitaaffii sammillugit sulineq

Siuliani oqaatigineqareersutut Qeqertarsuatsiaat tassaavoq, Kommuneqarfik Sermersuup MIO-llu akornanni meeqqat pisinnaatitaaffiisa nukittorsarneqarnissaat siunertaralugu suleqatigiinnerup misilinneqaaqarfissaa. Taamaattumik periutsit assigiinngitsut misilittarnerisigut suleriaasissaq naleqquttoq MIO-p nassaariniqqaarpaa. Qeqertarsuatsiaanut angalaneq aggustip qaammataani pivog, tamannalu isumaqarpoq meeqqat suli aasaanerani atuangiffeqarnerisa nalaani pimmat. Taamaattumik MIO-p sulisuata taarsiullugu nunaqarfimmi inersimasut suliniuteqarfivai.

Qeqertarsuatsiaani meeqqanik sullissisut

MIO-p siunnersortaata Nauja Benjaminsenip nunaqarfimmi Qeqertarsuatsiaani meeqqanik sullissisut ilinniartinnerini meeqqat pisinnaatitaaffii aallaqqaasiutigai. Ilinniartitsinnermi MIO-p saqqummersitaa »Meeqqat pisinnaatitaaffii ilinniartitsissutigisigiti« aallaavigineqarpoq.

Ilinniartitsinnermi nunaqarfimmi meeqqanik sullissisut arlallit peqataapput, tamakkununga ilaallutik atuarfimmi meeqqerivinnilu sulisut, soorluttaaqq peqqinissaqarfimmi sulisut kommunefogilu peqataasut. Peqataasut eqimattanut marlun- nut avinneqarput, taakkulu isumaliutinik marlunnik-pingasunik saqqummiussaqaassapput qanoq Qeqertarsuatsiaani meeqqat ajunngitsumik inuuneqarsinnaanerit sammillugu. Immikkoortitsinnginnissamik, naligiissitsinissamik, illersorneqarnissamik pisinnaatitaaffeqarnermik, ineriartornissamik peqataasinna- titaanermillu aallaavilinnik suliaqarput.

Meeqqanik sullissisut kingorna nunaqarfimmi meeqqat Naalagaaffiit Peqatigiit Meeqqat Pisinnaatitaaffii pillugit Isu- maqatigiissutaat pillugu ilinniartissavaat. Meeqqanik sullissisut meeqqat piginnaatitaaffii pillugit suliamut tunngatillugu avit- seqatigiissinnaaneq nuannaarutigaa, aamma ilinniartitsineq nunaqarfimmi meeqqat atugaannut meeqqallu pisinnaatitaaf- fiinut tunngatillugu oqallinnermik pilersitsivoq.

Qeqertarsuatsiaani meeqqanik sullissisut angerlarsimaffimmi meeqqat atugaat eqqumaffigisorujussuaat, aamma ataani oqallissimanerup sammiveqarnerinut pingaarnersuinerit tamatuminnga takussutissaapput.

Angajoqqaat imerajuttuunerat ludomaneqartarneralluunniit pissutigalugu meeqqat kaattarput. Tamatuma kingunerisarpaa meeqqat niuertarfinni nerisassanik tillinniartarnerat.

Meeqqat aalajangersimasumik killilersuiffineqartanngil- lat, unnuarsuarmut aneertarput; qaatiguunik naleqquttunik peqanngillat aamma qatanngutiginni angajullit nukarlernik paarsisarput.

Meeqqat atuarnermi (inatsisitigut aalajangersarneqarsima- suni) ikorfartorneqarneq ajorput; naammattumik sinissiman- nginnertik pissutigalugu qasusarput aamma angerlarsimaf- fimminnut pisariaqartitaminnik ikorfartorneqarneq ajorput.

Nuummi atuartut angerlarsimaffiannit angerlartinneqartut atuartinneqarneq ajorput. Aammattaaq atuarfimmi nikassaa- nerit annertuumik ajornartorsiutaapput. Angajoqqaat atuarfik assortortarpaat imaluunniit ajornartorsiuteqartillugu takuju- maneq ajorpaat.

Meeqqat maligassaminnik amigaateqarput aamma anga- joqqaat imminnut unammisut isigisarpaat.

Meeqqat 7-18-nik ukiullit sunngiffimmi susassaqaannginnertik pissutigalugu aserortarisarput, naamaartarput, ikiaroor- tarput imaluunniit aalakoornartutortarput.

Meeqqanik sullissisut ilanngullugu oqaatigaat angajoqqaat ilaat meeqqaminnut apersortereersimasunut aalakoornartunik pisisartut. Allat meeqqat ikiaroomartuarniarput takusarpaat.

Meeqqanik sullissisut arlallit iliuuseqarsinnaanngitsutut misigisarput, aamma assersuutigalugu tusarliisoqartillugu oqartussaniit tapersorsorneqaannginnerminnik nalaattaqartar- put. Aamma saaffissaqarnissamik iliuuseqarsinnaanissamullu periarfissanik ujartuipput.

Aamma atonerluisunut imaluunniit ilaqutariinnut nakuuserfiu- sartunut ikiuisussaqaanngilaq.

Nunaqarfiup kommunalbestyrelsimut innersuussutai

Meeqqanik sullissisut erseqqissunik Kommuneqarfik Sermer- suup kommunalbestyrelsiannut innersuussuteqarput.

Nunaqarfimmi qanoq innuttaasut aalajangersimasu- mik killissalerneqarnissaat qanoq pilersinneqarsinnaa- nersoq pillugu oqallittoqarumavoq, aamma meeqqat qanoq illersorneqarnissaat qanoq pisinnaanersoq ilanngullugu.

Ilanngullugu kissaatigineqarpoq meeqqat pisinnaatitaaf- fii qanoq paasineqassanersut pillugit oqalliseqa- giittoqassasoq.

Meeqqanik sullissisut innersuussutigaat ukiuinut naleqqut- tumik meeqqanut inuusuttunullu sunngiffimmi sammisassaqaartitsisoqassasoq, aamma tikkuarpaat meeqqat unnuarulernerani aneertut unnuap tulugaanik pisariaqartitsimmata.

Innersuussutigineqarpoq, ludomani aamma imigassa- mik ikiaroomartumillu atonerluinerit akiorniarlu- git iliuuseqartoqassasoq.

Innersuussutigineqarportaaq, meeqqat atuarfiannut atatillugu angerlarsimaffinnut nakkutillisoqar- nerulissasoq.



Tasiilami

meeqqat pisinnaatitaaffii sammillugit sulineq

Tikkuarneqarportaaq suliamut tunngatillugu pikko-rissarneqarnissamut nunaqarfimmi ataavartumik neqerooruteqartoqartarnissaanik pisariaqartitsisoqartoq.

Meeqqanik sullissisut pisortaminnut oqartussanullu kajumissaarutigaat meeqqat angajoqqaaminnit sumiginneqartut pillugit ikiorneqarnissaminnut pisariaqartitsillutik.²

Innuttaasunik ataatsimiititsineq

Qeqertarsuatsiaat tassaavoq isumaqatigiisummut atatillugu MIO-p siulliullugu suliniuteqarfigisaa, taamaattumik isumaqatigiissutip qanoq ilusilerlugu piviusunnigortinneqarnissaa suli nassaarineqartinnagu tamanna pivoq. Aasaanerani sulingifefarneq pissutigalugu nunaqarfimmit amerlasuut peqannginerisa nalaani pimmat, tamanna innuttaasunik ataatsimiititsingitsoornermik kinguneqarpoq.



"Meeqqat pisinnaatitaaffii atuartsissutigineqarlik" pillugu sungiusarnermit assit

Meeqqanut siunnersorti, Ellen Bourup Bang, aamma MIO-mi siunnersorti, Nauja Benjaminsen, 2014-mi septembarimi meeqqanut, meeqqanik sullissisunut aamma innuttaasunut allanut ilinniartitsiartorlutik Tasiilamiippit. Ilinniartitsineq nalinginnaasumik meeqqat pisinnaatitaaffiinnut tunngassuteqarpoq, kisianni pingaartumik assigiinngisitsisoqannginnissaanik naligisatullu pineqarnissamik pisinnaatitaaffinnut sammitinneqarpoq. Meeqqat inuusuttullu tamarmik oqaloqatigiissutissaqaqaat, aamma illoqarfiup meerartaanut amerlasuunut eqqasuuteqarneq oqariartuutigineqarpoq.

Tasiilami atuartunik ilinniartitsineq

Tasiilami meeqqat pisinnaatitaaffii pillugit paasiniaqatigiilluni ilinniartitsinermi atuartut 5.- 9. klassimeersut aqqaneq-marluk peqataapput. Siunnersortit MIO-meersut pisinnaatitaaffiit pillugit meeqqanut suleqatigiissitsillutik ilinniartitsippit aamma Tasiilami meeraanerup qanoq innera ilanngullugu. Meeqqat pisinnaatitaaffii pillugit ilinniartitsinerup ukiuinut naleqqussarneqarsimasup saniatigut meeqqat pisinnaatitaaffii tigussaasunnigortarlugit sungiusaatiniq assigiinngitsunik ingerlatsisoqarpoq, taamaaliornikkut inuunerminnut ulluinnarnullu tunngatissinnaanniassammatigik.

Naak atuartut ikitsuinnaagaluartut Tasiilami meeraaneq sammillugu apersuisoqarpoq oqallisiginntoqarlunilu, aamma Tasiilami meeqqat ajunngitsumik peroriatorsinnaanerit sunik pisariaqartitsiffiunersoq oqallisigineqarpoq.

Meeqqat pisinnaatitaaffii pillugit oqallissaarummut aallaqqaasiutitut siunnersortit MIO-meersut oqaluttuaraat 18-inik ukioqalernissap tungaanut meeraasoqartartoq, tamatumalu kingorna 18-leereernerup kingorna qanoq pisoqartarnersoq oqallisigineqalerpoq. Nukappiaraq 6. klassimi atuartuq oqaluttuaroq tamanna isumaqartoq pujortartalerlunilu aalakoornartutortoqarsinnaanngortartoq, aamma 10. klassimi atuartuq oqaluttuaroq tamanna isumaqartoq biiliniq ingerlatsinnaanermut allagartartaartoqarsinnaanngortartoq aamma nammineq isumagineq aallartisarneqalertartoq. Taamaattumik inersimasunnigortnermi nalinginnarmik qanoq periarfissaqarnera akisussaaffeqartoqarneralu pillugit meeqqat paasinittariaasiat assigiinngisitaartorujussuuvoq.

² Akissutit sukumiinerusut ilanngussami 2-mi atuakkit.

Aammattaaq oqaluttuaq Kaassassuk aallaavigalugu sungi-usartoqarpoq, tassani nukappiaraq iliarsuk pillugu oqaluttuaq isummerfigineqarluni, nukappiaqallumi ullumikkut qanoq pisinnaatitaaffeqarnissaa oqaluuserineqarluni. Meeqqat illersorneqarnissamut pisinnaatitaaffik immikkut soqutigivaat oqallisigalugulu, ullumikkut tamanna pisuuppat sumi ikiortissarsiortoqarsinnaassagaluarnersoq.

Meeqqat ilanngullugu oqaluttuaraat atuarfimmini nikassaa-nermik misigisaqartarlutik.

Tasiilami meeqqat kommunalbestyrelsimut innersuussutis-sanik suliqaanngillat, kisianni illoqarfimmi inuuniarnikkut atugassarititaasut assigiinngitsut pillugit meeqqat ammallutillu oqallisiginillaqqippat. Eqqumaffigisorujussuuat, meeqqat tamarmik ajunngitsumik toqqissisimasumillu peroriartunngim-mata.

Tasiilami meeqqanik sullissisut

Meeqqat pisinnaatitaaffii pillugit suleqatigiinnik ingerlatsinermi isumaginnittoqarfii akimorlugit peqataasoqarnissaa MIO-p kissaatigivaa, taamaaliornikkut anguniarneqarluni meeqqat piginnaatitaaffii pillugit ilisimasaqarnerup qaffassarneqar-nissa, aamma Tasiilami meeqqat pisinnaatitaaffii pillugit ilungersunartut tamanit ilisimaneqalernissaat anguniarlugu. Tasiilami inersimasut suleqatigiinnut peqataasut tassaapput kommunimi sulisut, Piareersarfik Piorsaavillu ilanngullugit, aamma peqqinnissaqarfimmit politiinillu aallartitat. Taamaat-toq kommunimi pisortat ingerlatsiviinnit peqataasussat amigaatigineqarput.

Suleqatigiillorluni ataatsimiititsineq tunngaviusumik meeqqat pisinnaatitaaffii aamma assigiinngitsinnginnissat aallaavi-galugit ingerlanneqarpoq. Peqataasut aamma MIO-p SMS 1899 aqquitalugu siunnersuisarneranut atatillugu misilitta-gaalersunik paasisaqalaarput, siunnersuisarfillu sumiiffimmit piffissallu ilaani meeqqanik inuusuttuniillu arlalinnit saaffigi-neqartarpoq.

Kommunalbestyrelsimut innersuussutit

Peqataasut eqimattakkuutaarlutik sulipput, aamma meeqqat pisinnaatitaaffii atugaallu pillugit assigiinngitsorpasuarnik eqqumaffigisassaqaqarnera eqimattat eqqummaariffigivaat. Innersuussutigineqartut tamatumingna takussutissaapput.

Meeqqanik sullissisut nalinginnarmik innersuussutigaat aatsaat pisoqareersimanagerata kingorna iliuu-seqartoqartarani pinaveersaartitsisoqassasoq, aamma kinguaassiuutitigut innarliinerit, nakuusernerit, nikas-saanerit, imigassamik ajornartorsiuteqarnerit aamma imminut toquttarnerit pinaveersaartinneqarnissaat sammineqassasut.

Innersuussutigineqarpoq angajoqqaangortussat perorsaaneq meeqqanillu peqataatitsineq pillugit pikkorissartarfissamik pilersitsisoqassasoq.

Innersuussutigineqarpoq meeqqanik sullissisut akornanni assigiinngitsunik suliqaartut suleqatigiinnermik ajornar-torsiuteqarnerat annikillisarnerilugu iliuuseqarto-qassasoq.

Innersuussutigineqarpoq meeqqat angajoqqaangor-tartut suliniuteqarfigineqassasut. Tikkuarneqarpoq tamanna akulikitsumik ilaqtutat peqqusineranik pissuteqar-tartoq, kisianni inuusuttut taakku amerlanertigut namminneq meeqqat toqqissisimasumik peroriartornissaanut naammattumik sakkusaqarneq ajortut. Angajoqqaangujaartatut namminneq amerlanertigut angajoqqaaminni suli najugaqar-tarput aamma meeqqaminik perorsaaneqarnissamut periarfissa-qarneq ajorput, tassami taakku angajoqqaavisa perorsaaneq isumagilertarmassuk. Atuarfimmi siusissumik iliuuse-qartoqartarnissaa pisariaqartinneqartoq tikkuarne-qarpoq.

Meeqqanut suliassaqaqfinni ilinniarsimasunik sulisussaaleqineq ilanngullugu peqataasut soqutigivaat. Sullissisut akornanni pitsanngorsaasoqartariaqarnera tikkuarneqarpoq.

Innersuussutigineqarpoq meeraaqqerivinniit meeqqeri-vinnut ikaarsaartarneq sammineqarnerulissasoq.

Innersuussutigineqarpoq meeqqat immikkut pisaria-qartitsisut sunngiffimmi sammisassaqaartinne-qarnissaanut neqeroorummik pilersitsisoqassasoq.

Innersuussutigineqarpoq ulloq unnuarlu siunnersor-neqarnissamut pitsannerusumik periarfissanik pilersitsisoqassasoq, aamma pigaartumut imaluunniit qimar-nguimmuut akeqanngitsumik saffiginissinnaanermik periarfis-saqartitsisoqalissasoq (tamannattaaq illoqarfimmi atulissasoq kissaatigineqarpoq).

Tikkuarneqarpoq, nammineq piumassutsimik suli-suulluni pisinnaatitaaffiit sammissallugit ajornakusoor-sinnaasoq, tassami nammineq piumassutsiminnik sulisut Tasiilami peersinneqartarput. Taamaattumik nammineq piumassutsimik sulisut pillugit politikkilliortoqarnissaa inner-suussutigineqarpoq, aamma pisinnaatitaaffiit pillugit sulinermi meeqqat peqataatinneqartassasut.

Innersuussutigineqarpoq unnuarulernerani meeqqanik isuma-ginnissinnaasunik unnuap tulugaanik aqqissuussinermik pilersitsisoqassasoq. Innersuussutigineqarpoq, angajoqqaanik ataatsimiititsisarnerit angajoqqaat akornanni meeqqat pisinnaatitaaffiisa ilisimaneqarnerulernissaanut atorneqartassasut.

Innersuussutigineqarpoq saaffigininnissamut periar-fissat nukittorsarneqassasut, taakkulu meeqqanik qitiutitsinerussasut.³

3 Akissutit sukumiinerusut ilanngussami 3-mi atuakkit.



Tasiilami innuttaasunik ataatsimiititsineq

Ataatsimiititsinermut innuttaasut aqqanillit takkupput, Tasiilamilu meeqqat pisinnaatitaaffi atugaallu oqaloqatigiissutigineqarput. Tullinguuttut eqqartorpaat, taakkulu kommunalbestyrelsimut apuukkusuppaat.

Tasiilami innuttaasut takkussimasut innersuussutigaaat kommunimi ileqqaaruteqarnerit meeqqanut inuusuttunullu sullissivinnut eqquissanngitsut, aamma meeqqat inuusuttullu pillugit inatsisit mallineqannginnerat isumanerluutitut eqqaaneqarput. Tamatuma pitsanngorsarneqarnissaanut suliamik ilinniagaqarsimasut pikkorissaqqinneqartarnissaat aalajangersimasumik siunnersuutisineqarpoq.

Nalinginnaasumik kinguaassiuutitigut innarliinerit ilisimaneqarnerulernissaat pisariaqartinneqartoq tikkuarneqarpoq, aamma kanngunarsaasartut pissusilersuutigisartagaat aamma innarliinerit atatillugu navianartorsiorfigineqarsinnaasartut ilanngullugit. Ilanngulluguttaaq ugartorneqarpoq, kanngunarsaasup eqqorneqartullu ikiorneqarnissaanik periarfissat pillugit paasisutissanik tunineqarnissaq.

Meeqqat toqusimasunik imaluunniit qanigisaralugu ilaqtup atianik atserneqartarnerat meeqqap kinaasutsianut qanoq kinguneqarsinnaanerata oqallisigineqarnissaa ilisimaneqarnerulernissaalu pisariaqartinneqarpassippoq.

Angutit nukappiaqqallu inuiaqatigiinni katataajartuinnavipput, assersuutigalugu ilinniartitaaneq imminullu toquttarnerit eqqarsaatigalugit. Nukappiaqqat pillugit ajornartorsiuutaasinnaasut assigiinngitsut sammineqarnerunissaanut kissaateqartoqarpoq, tassami niarsiaqqat nukappiaqqallu assigiinngitsumik inissisimanagerat erseqqisartuinnavipput.

Naak meeqqat inuusuttullu assigiinngitsunik oqaaseqaralarlutik imminnut paaseqatigiissinnaanisaanut toqqammavissanik ajunngitsunik pilersitsisoqarnissaa tikkuarneqarpoq, aamma meeqqat inuusuttullu namminneq oqaatsitik atorlugit meeqqat atuarfianni ilinniartineqarnissaanut periarfissaqatitsisoqalernissaa ilanngullugu.

Innuttaasut ataatsimiitinneqarnerani innersuussutigineqarpoq meeqqat pisinnaatitaaffii siammarterniarlugit oqallisigitinniarlugillu atuarfiup klasseni angajoqqaat siunnersuisoqatigiivi atussagaat.

Innersuussutigineqarpoq meeqqat pisinnaatitaaffiisa isumanarneqarnissaanut sulinermi kommuni nunaqarfiit peqataatinneqarnissaanut pikkorinnerulernissaminut suliniuteqassasoq.

Innersuussutigineqarpoq inissiisarnermut suliassaqarfiit eqqarsaatigeqqinneqassasut. Meeqqap ilaqtai ilanngutitinneqarsinnaapput taamalu meeqqat pillugit iliuusisatut pilersaarutit pitsanngortinneqarsinnaallutik.

Innersuussutigineqarpoq meeqqat isummaminnik oqaluttuarsinnaanissaminut nukittorsarneqassasut, taamalu ikiortissarsiorlutik namminneq saaffiginnissamat piginnaaneqarnerulerniassammata.

Innersuussutigineqarpoq meeqqanut inuusuttunullu sammisasaqartitsivimmik pilersitsisoqassasoq, aamma aasaanerani taamak ingerlatsisoqartassasoq.⁴



4 Akissutit sukumiinerusut ilanngussami 4-mi atuakkit

Ittoqqortoormiini

meeqqat pisinnaatitaaffii sammillugit sulineq

MIO-p siunnersortaa Nauja Benjaminsen illoqarfimmi meeqqat pisinnaatitaaffii sammissallugit 2014-imi oktobarimi Ittoqqortormiiniippoq. Peqataasut akornanni sammineqartoq soqutigineqartorujussuuvoq.

Ittoqqortoormiini atuartunut ilinniartitsineq

Ittoqqortoormiini atuartunik ilinniartitsinermi MIO siullermeerluni oqaatsit aporfiulaarneranik misigisaqarpoq, tamannalu ilinniartitsinerup ilaata ingerlanneqarneranut ajornakusoortit-sinerulerpoq. Taamaattoq meeqqat oqaloqatigineri tunngavigalugit kommunalbestyrelsimut erseqqissunik innersuussuteqartoqarpoq.

PowerPoint atorlugu meeqqat pisinnaatitaaffii ilinniartitsissutigineqarput, aamma Naalagaaffiit Peqatigiit Meeqqat Pisinnaatitaaffii pillugit Isumaqatigiissutaani oqariatuutit atuarfimmi ilinniartitsisut ikiortigalugit nutserneqarput, taamaalilluni MIO aamma meeqqat imminnut malinnaavigisnaangortillugit. Oqaatsit assigiinnginnerisa saniatigut atuartut tunuarsimasorujussuunerat MIO-p misigaa, tamannalu meeqqat eqqarsaatiminnik qanorlu isumaqarnerminnik annissuinissaanut aporfissalersuivoq. Taamaattoq ikioqatigiinikkut kommunalbestyrelsimut innersuussutinik oqariatuuteqarnissaq iluatsinneqarpoq.

Kommunalbestyrelsimut meeqqat oqariatuutaat

Meeqqat ujjartorpaat sunngiffimmi sammisassat amerlanerussanut – pingaartumik silami aneertarnerujussuuartik pissutigalugu. Aamma ukioqqortussutsimut naleqqussarneqarsimasunik sunngiffimmi sammisassanik ujjartuisoqarpoq. Tikkuarneqartut ilagaat timersortarfimmi sammineqarsinnaasut annikitsuinnaanerit aamma sungiusaasussanik amigaaqartoqarpoq.

Meeqqat isumaqarput inersimasuni ludomani ajornartorsutaasoq. Ilaani meeqqat inuissiornerini inersimasut tamakkuninnga sammisaqartarput, inuillu ilaasa akornanni tamanna ileqqulinnegarluni.

Meeqqat oqaluttuarput meeqqat innarluutillit nikassaarneqartarput.

Ittoqqortoormiini meeqqanik sullissisut

Ittoqqortoormiini meeqqat atuarfiani aamma sunngiffimmi sammisasaqartitsisut meeqqat pisinnaatitaaffii pillugit ilinniartitsinermut suleqatigiissitaliortarnenullu peqataapput.

PowerPoint atorlugu Naalagaaffiit Peqatigiit Meeqqat Pisinnaatitaaffii pillugit Isumaqatigiissutaat pillugit saqqummiussisoqareemat meeqqanik sullissisut akornanni uummaarissumik oqallittoqarpoq. Illoqarfimmi meeqqat inuusuttullu qanoq atugassaqarnerat meeqqanik sullissisut eqqartussallugu soqutigisorujussuuaat, aamma Meeqqat

pillugit Isumaqatigiissutip immikkualuttui erseqqissaavigineqarnissaat paasineqarnissaallu immikkut soqutigineqarput.

Kommunalbestyrelsimut innersuussutit

Ittoqqortoormiini meeqqanik sullissisut annertuumik illoqarfinnut allanut atuariarlutik aallartinneqartarput pillugu eqqasuuteqarput. Meeqqat ilaasa Ittoqqortoormiit qimanngisaaannarsimavaat, aamma angajoqqaatik ilaginagit ulluinnarni inuulernissaminut meeqqat piareersarneqarnissaminik pisariaqartitsippat. Innersuussutigineqarportaaq illoqarfimmiinnarluni atuarnissaq periarfissiissutigineqasasooq.

Meeqqanut illoqarfimmiinnartunut innersuussutigineqarpoq sunngiffimmi sammisassanik amerlanerusunik pilersitsisoqassasooq, aamma taakku sorusunnarsut tusaaniarneqassasut, ilanngullugu pinaveersaartitsinermut tunngasutigut taakkununga atuisunik suliniartoqartillugu.

Ludomani aamma imerajuttuuneq illoqarfimmi nalinginnaasuupput. Innersuussutigineqarpoq tamakku akiorniarlugit suliniutinik aallartitsisoqassasooq, taamaalior-nikkut angajoqqaat imerniartarfimmukarsimatillugit meeqqat sumiginnarneqannginniassammata.

Meeqqanik sullissisut erseqqissarpaat meeqqat timikkut tarnikkullu illersorneqarnissamik pisinnaatitaaffeqarmata.

Innersuussutigineqarpoq inersimasunik killilersuinissamik meeqqaminnullu toqqissisimasumik atugaqartitsinis-samik ilinniartitsiniarluni iliuuseqartoqassasooq.

Pinaveersaartitsinermit siunnersortip kinguaasiuutit atornerat, nerisassat peqqinnartut aamma sunngiffimmi sammisassat samminerusariaqar-pai. Illoqarfimmi inuunerup pitsaassusaa inuussuteqarnikkullu pissutsit iliuuseqarfiginissaat pisariaqarpoq. Assersuutigalugu kioskimi nerisassanik peqqinnangitsunik nioqquteqatoqar-pallaartarpoq, aamma piffissap ilaani illoqarfimmi nerisassat peqqinnartut amigaaqatigineqalertarput.

Meeqqat peqqissusaannut tunngatillugu ernummatigineqar-poq aatsaat nakorsaq imaluunniit peqqissaasoq illoqarfimmut ornigukkaannat kuppilersinnerit pissusissamisut ingerlaler-tarmata.⁵

Ittoqqortoormiini innuttaasunik ataatsimiititsineq

Illoqarfimmi innuttaasunut ataatsimiititsiniarneq MIO-p marlo-riarluni misilikkaluarpa. Aqqissuusseqqaarnenut taamaal-laar inuit marluk takkuppup, taamaattumillu ullunik marlussun-nik ataatsimiinnissaq kinguartinneqarpoq, kisianni unnummi tassanittaaq nittaalluni anorersuarmat takkuttoqanngilaq.

5 Akissutit sukumiinerusut ilanngussami 5-mi atuakkit.



Paamiuni

meeqqat pisinnaatitaaffii sammillugit sulineq

MIO-p siunnersortai Ellen Bourup Bang aamma Nauja Benjaminsen 2014-imi decembarimi meeqqat pisinnaatitaaffii sammiliarlugit Paamiuniippit. Paamiuni atuarfimmi ilinniartitsisoqarlunilu suleqatigiissitaliorluni ingerlatsisoqarpoq, aamma kingorna illoqarfimmi meeqqanik sullissisunut assinganik ingerlatsisoqarpoq. Aammattaq innuttaasunut ataatsimiititsinermik aqqissuussisoqarpoq, tassani illoqarfimmi innuttaasut illoqarfimmi meeqqat pisinnaatitaaffii atugaallu pillugit oqalliseqatigiillutik.

Paamiuni atuartunut ilinniartitsineq

Paamiuni ilinniartitsilluni paasiniaaqatigiissitsinermi 4.- 9. klassimi atuartut aamma specialklassini atuartut peqataapput. Atuartut meeqqat pisinnaatitaaffii sammillugit ilinniartineqarput, aamma meeqqat ulluinnarni atugaannut tamakku qanoq isumaqarnersut ilanngullugit. Pisinnaatitaaffiit qanoq paasineqarsinnaanersut aallaavigalugit meeqqat assigiinngitsunik sungiusarlutik oqallippit, aamma soq meeqqat ajungitsumik peroriartornissaasa pingaaruteqarnera ilanngullugu. Nikassaarisarneq ilanngullugu sammineqarpoq.

4.- 9. klassimi atuartut Paamiuni meeqqat qanoq iliorluni ajungitsumik peroriartornissaanerat pillugu nuannersunik assigiinngitsorpasuarunik eqqartuippit. Ataatsimut isigalugu qanoq inuunermi atugassaqarnertik assigiinngitsutigut eqqartorpaat. Tamakku ilaat ataani eqqartorneqarput.

Meeqqat kommunalbestyrelsimut oqariatuutaat

Paamiuni meeqqat isumaqatigiissutigaaat meeqqat ajungitsumik atugaqarnissaannut ilaqutariinni asanninneqarfiusumi nakuuserfiunngitsumilu peroriartornissaq pingaarnerpaanut ilaasoq.

Pingaartuuvoq meeqqanik mikisuuteqartillutik angajoqqaat aalakoornartutortannginnissaat.

Meeraaneq ikinngutinik amigaateqarfiunngitsooq, pinguarfissaqartoq aamma atuariarsinnaanermik periarfissalik innersuussutaanut ilaavoq.


Meeqqat ilanngullugu tikkuarpaat annersarneqartannginnissaq imaluunniit meeqqanik allanit nikassaarneqartannginnissaq pingaartoq, aamma ataatsimoornermut peqataasinnaaneq ilanngullugu.

Ilanngulluguttaaq illussaqaarnissaq aamma peqqissuunissaq pingaarput.

Pingaarpoq **asanninnermik, eqitaarneqarnermik** aamma **qungujunnermik** tunineqarnissaq.

Meeqqat ilanngullugu isumaqarput killilersorneqarani oqalussinnaanissaq pingaartuusoq.

Meeqqat atuarfimmi assigiinngisitaarnerusunik nerisaqarsinnaanertik kissaatigaat.



Imminut titartarneq ataatsimooqatigiillu titartarnerat atugaq ilinniartitsissut "Meeqqat pisinnaatitaaffii ilinniartitsissutigisigut" atorlugu sungiusarnermi asseq tiguneqarsimasooq. Sungiusarneq tassaavoq, meeqqat qimuttut takorlorlutik imminnut titartarnissaat. Qimuttut plakatimut katersorneqartarput, tassaniilu ataatsimoorlutik qamutit qimuttarpaat, aamma qimuttut ataasikkaat ataatingaanni meeqqat qanoq pissuseqarnerat nammineq nuannarisaat aallaavigalugu allanneqartarpoq. Siunertarineqartoq tassaavoq meeqqat assigiinngisitaartoqarneranik paasinillutillu akuersissasut, aamma tamarmik naligiittut inissisimasut.

Paamiuni meeqqanik sullissisunik paasiniaaqatigiissitsineq

Paamiuni aallaqqaamut illoqarfimmi ilinniartitsisut MIO-p naapippai. Meeqqat pisinnaatitaaffii sammillugit peqatigiillutik sulipput sungiusaatit marluk ilanngullugit ilaatigut sungiusaat »Atuarfitsialak«, ilinniartitsissummit »Meeqqat pisinnaatitaaffii ilinniartitsissutigisigit«-mit pisoq, tamakkulu aallaavigalugit atuarfimmi meeqqat atuagaat eqqartorneqarput. Tamatuma kingorna illoqarfimmi meeqqanik sullissisut allat MIO-p naapippai. Paamiuni meeqqanik sullissisut Naalagaaffiit Peqatigiit Meeqqat Pisinnaatitaaffii pillugit Isumaqaatigiissutaanit tigusanik oqallissaaruteqarfigineqarput. Tassanittaaq Paamiuni meeqqat atuagaat eqqartorneqarput, aamma innersuussutigerusutat allattorneqarput.

Paasiniaaqatigiinnerup kingorna meeqqanik sullissisut nalilersuippat. Arlallit isumaqarput paasisat tupaallaatissaasut, ilaatigut qulaajarneqarluni illoqarfimmi avissaartuuttoqartorujussuusoq aamma ataatsimooqatigiinnissap pilerseqqinneqarnissaa pisariaqartinneqartoq.

Kommunalbestyrelsimut innersuussutit

Paamiuni eqqartorneqarpoq meeqqanik sullissisut akornanni suliart akimorlugit suleqatigiinnissaq pisariaqartinneqartoq, aamma angajoqqaat ilanngullugit. Innersuussutigineqarpoq meeqqat sammineqarnerullissasut, aamma suleqatigiinnermi meeqqat immikkut pisariaqartitsisut sammineqarnerulertariaqartut.

Ilinniartitsisut tikkuarpat atuartitsinnermi sakkussanik amigaateqartoqartoq aamma atuartut pisinnaasaasa uuttortarneqarnissaat ilanngullugu. Assigiinngisitaarnerusumik atuartitsinissaq pisariaqartinneqarpoq aamma taamak ippoq atuartut angajoqqaavinut suleqateqarneq. Innersuussutigineqarpoq atuartunut pilersaarusiortarnermi angajoqqaat suleqatigineqartassasut. Atuartut ilisimatigut qanoq inissisimanagerat nassuiarneqassaaq aamma naqinnernik ilisarinnissinnaanngitsut ikiorneqarsinnaasapput.

Meeqqat aturfiani nerisassat pitsaangortinneqarnissaanik pisariaqartitsisoqarnera tikkuarneqarpoq, pissutsit taamaanagerat meeqqat ilikkariartorsinnaanageranut sunniuteqartarmat (nerisassat pitsaangitsut ilikkariartornermut ajoqutaasarput).

Meeqqat assersuutigalugu assilissanik saqqummersitsiviginnaasaannik sammisassat amerlanerit kiisalu pinnguartarfiit ornittakkallu pitsaangorsarneqarnissaat kissaatigineqarpoq.

Innersuussutigineqarpoq angerlarsimaffinni ulluinnarni atukkat sammineqassasut, aamma tapersersuinerit angajoqqaat tunniussinnaasaat ilanngullugit. Meeqqat tapersersorneqarnissamik, sininnissamik nerisaqarnissamillu pisariaqartitsippat.

Atuarfimmi meeqqat innarluutillit isiginiarneqarneq ajorput, aamma meeqqat ilaat ersinngitsutupajaaq inissisimasarput imaluunniit peqanngikkaanngamik maqaasineqarneq ajorput.

Innersuussutigineqarpoq meeqqat naligiimmik inissisimaneq pillugu ilinniartinneqassasut, aamma meeqqat tamarmik naleqarnerat ilanngullugu, tamannalu pissasoq inuttut misigisarsimasaat, sianissutsikkut piginnaasaat imaluunniit inuunermi atugarisaat apeqquataatinngit.

Nikassarisanerup unitsinneqarnissaanut inersimasut akisussaapput – tamaasa meeqqat aamma inersimasut akornanni ilanngullugit.

Innersuussutigineqarpoq meeqquarivimmi Mikisumi qaammatikkaartumik ataatsimiitarneq isumasarsiorfigineqassasoq, tassani meeqqat peqataatinneqarlutik isumaanik apersorneqartarmata, assersuutigalugu nerisaqarnikkut sammisassaqaartitsinikkullu.⁶

Paamiuni innuttaasunik ataatsimiititsineq

Innuttaasunik ataatsimiititsinnermi inuit 15-it missaat illoqarfimmi meeqqat pisinnaatitaaffii eqqartorpaat. Tunniusimalluarput aamma atuarfiup angerlarsimaffiillu akornanni suleqatigiinneq soqutigaat, isumaqarlutik meeqqat pitsaannerusumik atuartinneqarnissaat siunertarlugu tamanna nukittorsarneqarsinnaasoq.

Kommunalbestyrelsimut innuttaasut oqariartuutaat innersuussutaallu

Paamiuni angajoqqaat kissaatigaat meeqqat aturfimmit angerlartinneqartarnerat sammineqassasoq. Meeqqat amerlasuut angajoqqaat attaveqarfigeqqaarnagit angerlartinneqartarput. Tamanna aturfimmut tatiginnikkunnaarnermik kinguneqartarpoq.

Innuttaasuttaaq aturfimmi siulersuisut eqeersi-maarnerusut kissaatigaat.

Meeqqat inuusuttullu sunngiffimmi sammisassaqaarnissamik pisariaqartitsippat. Klubbi atortarsimasaat maanna matuneqarsimavoq, tamannalu inuusuttut amerlasuut suliasaqaaratik angalaaginnarneranik kinguneqarpoq.

Innuttaasut ilisimatitsippat siusinnerusukkat »Paamiut Asasara« aqutugalugu meeqqat illoqarfimmi atugassaqaarnertik pillugu apersorneqartarsimasut. Innuttaasut kingorna suliniut pillugu tusagaqaqqissimannngillat, aamma paasissutissat katersorneqarsimasut sumut pisimanerut eqqumiigaat. Kissaatigineqarpoq, siunissami assingusunik paasissutissanik atuisoqartillugu, akisussaaffiit ingerlatitseqqinnissallu erseqqinnerusumik agguataarneqartarumaartut.

6 Akissutit sukumiinerusut ilanngussami 6-mi atuakkit.



Nuummi

meeqqat pisinnaatitaaffii sammillugit sulineq

Nuuk tassaavoq kommunimi meeqqat meeqqanillu sullissisut suleqatigineqarnerini kingulliulluni Kommuneqarfik Sermersuup MIO-llu suleqatigiinneranik piviusunngortitsiviususaaq. Nuummi meeqqat meeqqanillu sullissisut amerlasoorujussuunerat pissutigalugu meeqqat pisinnaatitaaffii pillugit suliniuteqarneq kommunimi sumiiffinnut allanut naleqqiullugu allaanerulaartumik ingerlanneqarpoq. MIA-mik ingerlatsiviup qanimut suleqatiginerata kingunerisaanik illoqarfiup immikkoortortai naapertorlugit meeqqanut meeqqanillu sullissisunut pikkorissaanissat suleqatigiikkaartaatsinisallu pilersaarusioreqarput. Taamaalilluni 2015-imi septembarip ingerlanerani aqqissuussinerit katillugit aqqanillit Nuummi ingerlanneqarput.

Taamak ilusiliilluni sulineq innersuussutigineqartuni takuneqarsinnaavoq. Meeqqanit peqataasunit kissaatit siunnersuutillu ataatsimut innersuussutitut allanneqarnissaat toqqarneqarpoq, tassami meeqqat aturfii akimorlugit oqariartuutit amerlasuutigut qaleriitartput. Innersuussutigineqartut ilaat illoqarfiup immikkoortortaanut tunngatinneqarnerusinnaasutut isikkoqartartut allatorneqarput, taamaaliornikkut siunertalimik arlaatigut iliuuseqarnissat illoqarfiup immikkoortortaanut sammitinneqarsinnaaniassammata. Meeqqanik sullissisut suleqatigalugit innersuussutit suliarineqartut illoqarfiup immikkoortortaanut tunngatillugit immikkoortiterneqarput. Tamanna toqqarneqarpoq siunertaralugu kommunalbestyrelsi suleqatigiinnissaq siunertaralugu atorfeqarfinnut sulisuinullu saaffigineqavissusanut saaffiginninnissamut periarfissaqarniasassammata.

Nuummi innuttaasunik ataatsimiititsineq

Pilersaarusiornermi Nuummi innuttaasunik ataatsimiititsinissaq ilaatinneqanngilaq, tassami MIO illoqarfimmi inisseqqaavoq aamma Naalagaaffiit Peqatigiit Meeqqat Pisinnaatitaaffii pillugit lsumaqaatigiissutaanut tunngatillugu siunnersorneqarnissamut ajornanngitsunnguamik orninneqarsinnaavoq.

Nuummi atuartunik ilinniartitsineq

Kommunip sinnera assigalugu Nuummi aturfinni ilinniartitsineq meeqqat pisinnaatitaaffiinik siammarterinissamik siunertaqarpoq, aamma kommunalbestyrelsimut innersuussuteqarnissat ilanngullugit. Nuummi atuartut 850-it missaat aturfinnut arfinilinnut agguataarneqarsimasut ilinniartinneqarput.

Nuummi klassit immikkut toqqarneqartut aqutigalugit ilinniartitsinikkut pisinnaatitaaffiit siammarterneqarnissaat toqqarneqarsimavoq (3., 6. aamma 9. klassit). Taamaaliornikkut siunertarineqartoq tassaavoq klassit taakku klassip ilinniartitsisua aamma angajullernut nukarlernullu aqutsisoq peqatigalugit pisinnaatitaaffiit ilikkarsimasartik ukioqatiminnut allanut ingerlateqqissagaat.

Sungjusaatit assigiinngitsut atorlugit pisinnaatitaaffiit assigiinngitsut klassinut ilinniartitsissutigineqarput. Klassit assigiinngitsunik sammisaqarput, ilaatigut sammineqarlutik *assigiinngisitsisoqannginnissaanut, illersomeqamissamut aamma peqataatinneqamissamut pisinnaatitaaffiit*. Sungjusaatit aallaavigalugit Kommuneqarfik Sermersuumi meeqqat ajunngitsumik peroriartornissaannut piunasaqaatit assigiinngitsut pillugit atuartut oqallippat.

Qulaani pisinnaatitaaffiit pillugit sungjusarnerit taaneqareersut saniatigut Kommuneqarfik Sermersuumi meeqqat atugaat qanoq pitsanngorsarneqarsinnaanersut pillugit meeqqat saqqummiussaqaarnissaminnik suliaqarput. Innersuussutigineqartut meeqqanik suliarineqarnerat takuneqarsinnaavoq, taamaattumillu innersuussutigineqartut ilaat toqqaannartumik meeqqat pisinnaatitaaffiinut tunngassuteqanngillat, kisianni meeqqat kissaateqarnerinik takussutissaapput. Illoqarfiup immikkoortortaaani massakkorpiaq meeqqat sunik soqutigisaqarneranik paasisaqarfiusinnaammata tamakku ingerlateqqinneqarput. Meeqqat soqutigisaat pillugit paasisat tamakku annertunerusumik meeqqat peqataatinneqarnissaanut aalajangeeqataatinneqarnissaanullu atorluarneqarsinnaappat.

| Agguataarnerit | Ukiui | Sammisat |
|----------------|---|---|
| Agg. 1 | 3. klassit + klassimi ilinniartitsisut marluk | Assigiinngisinneqannginnissamik naligiissitaanissamilu pisinnaatitaaffiit |
| Agg. 2 | 6. klassit + klassimi ilinniartitsisut marluk | Illersorneqarnissamut ineriartornissamullu pisinnaatitaaffiit |
| Agg. 3 | 9. klassit + klassimi ilinniartitsisut marluk | Aalajangeeqataanissamut peqataatinneqarnissamullu pisinnaatitaaffiit |

Atuartut oqariutuutaat kommunalbestyrelsenimullu innersuussaat

Nuummi atuartut atuarfik sunngiffimilu sammisassat pillugit innersuussuterpasuumik tunniussaqarput. Meeqqat soqutigisaat tunngavigalugit ataani immikkoortiterneqarput.

Atuarfiit atoruminassusaat

Nalinginnaasumik annertuumik kissaatigineqarpoq atuarfiit pisatsersorneqarsimanikkut atortulersorneqarsimaner-mikkullu nutarterneqassasut. Pingaartumik tikkuarneqarpoq nerriviit issiaviillu taarserneqartariaqaraluartut aamma ilinniartitsinermi iPadip atorneqarnissaa annertuumik atuartut kissaatigineqarpoq. Peqqinnissamut tunngasutigut atuartut isumaat naapertorlugu peqqinnartuunngitsut arlaleriarlugit eqqaaneqartarput. Atuarfinni ataasiakkaani eqqaaneqarpoq asserortersarneq pissutigalugu perusersartarfeqarnikkut atugassat naammaginngitsorujussuusut, aamma tamanna akiorniarlugu sakkortunerusumik iliuuseqartoqartariaqartoq. Tamakku saniatigut atuarfimi nerisassat suusanersut aalajangerneqassatillugu peqataatinneqarneru-nissamik kissaateqartoqarpoq aamma amerlanerusu-nik peqqinnarnerusunillu qinigassaqarnissaq ilanngullugu, soorlu paarnat imerlu ajortumik mamaqanngitsut. Tamatumunnga atatillugu atuarfinni tamani kantiinaqalernissaa ujartorneqarpoq. Atuarfinni oqariutuutigineqarpoq atuarfinnut atatillugu silami atortorissaatut pitsanngortinneqarsinnaasut – tassani immikkut anitsiartarfiit arsaattarfiillu pineqarput. Atuartut ataasiakkaat ilanngullugu taavaat atuarfiit innarluu-tilinnut atoruminarsarneqartariaqaraluartut.

Atuarfinni pissusilersortarnerit

Atuarfinni pissusilersuutigineqartartunut tunngatillugu atuartut innersuussutaanni tamakku initullutik inisseqqapput. Atuartut taaguinerat naapertorlugu nikassararneq, kiserliorneq, nikallunganeq aamma assigiinngisitsineq sallullutik ajornartorsiutaapput. NIF-imi atuartut eqqaavaat ulluinnarni takornartanik uumissuineq misigisarsimallugu, kissaatigaallu tamassumap annikillisinneqarnissaa. Nalinginnaasumik atuartut kissaatigaat nikassaarisarneq sammineqarnerulissasoq, ilinniartitsisut pisut assigiinngitsut iliuuseqarfiginissaanut piareersarneqarnerusimanissaat, aamma atuarfiup pisortaata pineqartut pimoorunnerullugit iliuuseqarfigissagai.

Atuarfiit ilaanni atuartut oqaluttuarput ilinniartitsisut atuartullu akornanni naammattumik ataqeqatigiiitoqanngitsaq. Ataqeqatigiinnginnerup kingunerisaanik suleqatigiinneq ajornakusoornerulertarpoq taamalu atuartitsineq (atuarfigisami aamma atuarfinni allani). Tamatumunnga atatillugu atuartut ilaasa erseqqissarpaat inuttut ataqatigiiaarnerit taamaallaat atuaqatinut tunngassuteqartoq. Tamanna illuatungilerniarlugu susassaqtitsilluni aqqjissuussinerit amerlanerusut siunnersuutigineqarput. Tunngavilersuutigineqarpoq peqatigiinnikkut ataqatigiinneq ataatsimoorussa-qarnerlu nukittorsarneqarsinnaammata, taamaaliornikkullu atuarnermi atugassarititaasut pitsanngortinneqarsinnaallutik. Taammarsimaarnerit amerlanerusut aamma illoqarfimmi meeqqat atuarfiisa akornanni pitsaannerusumik suleqatigii-lernissat aalajangersimasumik siunnersuutigineqarput.



Sunngiffik

Sunngiffimmi sammineqarsinnaasut naammagisimaarnartut atuartut nalinginnaasumik oqariartuutigaat. Taamaattoq taaneqarpoq **assassornissamut/pilersitsinissamut neqeroorutit amigaataasut** – pingaartumik nipilersornermik ilinniartitsineq tamatumalu malitsigisaanik tusarnaartitsineq ujartorneqarput, aamma meeqqaniit meeqqanut eqqumiitsulianik takutitsinissamut aaqqissuussinnaaneq ilanngullugu. Skatertarfik annertuumik pingaartinneqarpoq, kisianni ataasiakkaat ujartorpaat atortunik attartortoqarsinnaanissaanut periarfissaqarnissaa. Ilanngullugu atuarfinit tamanit tikkuarneqarpoq **pinnguartarfiit amerlassusaanik aamma isumannaallisaanermut tunngasutigut pitsanngorsaasoqartariaqartoq**. 2015-imi ukialernarani tivolimik ingerlatsisimaneq atuartut akornanni iluarisimaarneqarluarpoq, aamma atuartut kissaatigaat aaqqissuussinerit assingusut amerlanerit ingerlanneqartalissasut.

Inuttut atugarisat

Kommunimi meeqqat ilaasa peroriartornerminni inuttut atugassaat qanoq unaminartorsiorfiusinnaanersut nalinginnaasumik atuartut ilisimagunarpaat. Imigassamik ajornartorsiuteqarpoq, pujortarpoq aamma tamakku meeqqanut kingunerisinnaasaat atuarfinni arlalinni ajornartorsiutivittut eqqartorneqarput. Tikkuarneqarpoq **imigassap illoqarfimmi saqqumisumik atugaanera unitsittariaqartoq**, aamma imigassarsisoqartilugulu pujortagassarsisoqartilugulu ukioqqortussuseq naammattumik nakkutigineqarpoq ajortoq. Ilanngulluguttaaq eqqaavaat **angajoqqaat ilaasa meeqqatik paarilluarneq ajoraat**, aamma taakku killiliinissamut pikkorinnerulertariaqartut. Meeqqat ataasiakkaat eqqartorpaat ulloq unnuarlu **paaqqinnit-tarfinni peroriartornermut atugassarititaasut ajortut**.

Ilinniagaqarnissamut periarfissat

Atuartut ataasiakkaat kissaatigaat meeqqat atuarfiani ilinniartitsisut ilinniarluarsimanerunissaat pimoorussinerunissaallu. **Atuartuttaaq meeqqat atuarfiannit naammasse-reernerup kingorna qanoq ilinniagaqarnissamut periarfissaqartoqarumaaneranik ernumapput**. Pingaartumik efterskolit amigaataanerit tikkuarneqarpoq, aamma Nuummi akeqanngitsumik 11. klasseqannginnera ilanngullugu.

Aalajangeeqataaneq

Meeqqat oqariartorput **aalajangeeqataanerulernissaminnut** kissaatigarlutik. Assersuutigalugu qinersisoqartilugulu annertunerusumik ilisimatinnegartarusupput. Aammattaaq kissaatigaat, qinersinernut atatillugu atuarfinit pulaartoqartalissasoq, taamaaliornikkut meeqqat namminneq atugarisaat aalajangiisarnerni eqqarsaatinut ilaatinneqartalernissammata. Ilanngullugu atuarfiup kantiinaani nerissasanut tunngatillugu atuartut peqataatinneqartalernissartik kissaatigaat.⁷



7 Akissutit sukumiinerusut ilanngussami 7-mi aamma 7.1-imi atuakkit.

Nuummi meeqqanik sullissisunut paasiniaaqatigiissinnerat

Sapaatip-akunnerata ataatsip ingerlanerani Nuummi meeqqanik sullissisut tallimariarluni ingerlatsinikkut ilinniartinneqarput. Atuarfinniit, meeqqerivinnit, meeqqanut ilaqutariinnullu immikkoortortaarfimmiit, peqqinnissaqarfimmiit ilaalu ilanngulugit sapaatip-akunnerani 39-mi peqataallutik ingerlatsipput, tassani oqallissaaruteqarnerit suleqatigiissitsillunilu ataatsimii-titsinerit ingerlanneqartarlutik.

Nuummi atuartut assigalugit, meeqqanik sullissisut holdinut agguarneqarput. Paasiniaaqatigiinnerup kingorna meeqqanik sullissisut illoqarfiup immikkoortortaani najukkaminni meeqqanik sullissisut allat meeqqat pisinnaatitaaffii pillugit ilinniartittussaavaat.

Meeqqanik sullissisut tamarmik isumaqatigiissutigaaq ataavartumik meeqqat pisinnaatitaaffii pillugit suliaqarnissamik pisariaqartitsisoqartoq. Siunnersuutigineqarpoq ukiumut ataasiarluni suliaqarfiiit akimorlugit paasiniaaqatigiinnermik ingerlatsisoqartassasoq, tassani qanoq pisinnaatitaaffiit ataasiakkaat ulluinnarni inuunermtu atuutinneqalersinnaanerit suliarineqartassalluni. Tamatuma saniatigut meeqqanik sullissisut innersuussutigaaq ukiup ingerlanerani sulinermtu atatillugu kommuni ukiumut sammisassamik aalajangersimasumik meeqqanik sullissisut piviusunngortissinnaasaanik saqqummiussisassasoq.

Aammattaq nalinginnaasumik takussaavoq meeqqanik sullissisut akornanni Kommuneqarfik Sermersuup meeqqanut inuusuttunullu politikianik ilisimasaqarneq annikitsaq, tamannalu ajornartorsiutit isigineqarsinnaasoq, pingaartumik sullissisut taakku tamannarpiaq aallaavigalugu ulluinnarni sulisussaataaernerat eqqarsaatigalugu.

Kommunalbestyrelsimut illoqarfiup immikkoortortaanit 1-mit innersuussutigineqartut

Immikkoortortami 1-imi⁸ meeqqanik sullissisut atuariit meeqqeriviillu akornanni nutaanik ilikkagaqarnissap ilisimasani aamma misilittakkanik avitseqatigiinnissap pingaarteqassusaa erseqqissarpaat. Tamanna atuuppoq suliaq ingerlasarnerani aqqissuussineq eqqarsaatigalugu, kisianni aamma meeqqat sullitat eqqarsaatigalugit. Immikkoortortami sammisassat nerisaqarnermullu aqqissuussisimaneerit eqqarsaatigalugit meeqqat peqataatinneqarnissaanut periarfissiinissaq ilanngulluni pisariaqartinneqarpoq.

Meeqqat kommunip inunnik ikiuinermtu ingerlatsiviinut attuumassuteqartut sukkasuumik ikiorneqarnermik misigissapput, aamma kalerriuteqarluni suliaqarnermtu atatillugu sullassamik isumagininneq sukkanerussasooq kissaatigineqarpoq. Meeqqat angerlarsimaffiup

8 Illoqarfiup immikkoortortaanit 1-mut ilaapput: Atuarfik Ukalusaq, Meeraaqerivik Amaat, Meeraaqerivik Ajaaja, Meeqerivik Najaaraq, Meeqerivik Sisi, Meeqerivik Ernutaq, Ataatsimoortitsilluni meeqqerivik Ungaaq, ullukut meeqqanik paaqqisaqartartoq Sara Josefsen, Atuartunik paarsaqarluni klubbi, Atuareersunut ornittagaq Narsarmiutaq, BFA & BFC aamma Misi.

avataanut inissinneqassatillugit angajoqqaanik qanimut suleqateqarnissaq pingaarteqarpoq.

Angajoqqaat pikkorissarneqartarnissamik neqeroruteqarfigineqartarnissaat ilanngullugu innersuussutigineqarpoq. Inersimasut meeqqat pillugit apersuusersuinnginnissaat erseqqissarneqassaaq, taarsiullugulu namminneq aallaavigissapput aamma maligassalluurtut inissimasassapput. Ilaqutariit pissakitsut meerartaat akeqanngitsumik nalukkiar-nissamut, bussernissamut fitnessernissamullu periarfissinneqarnissamut ikiorneqassapput.

Meeqqat illersorneqarnissamut pisinnaatitaaffeqarput, aamma tamanna inersimasut akisussaaffigaat. Tamatumunnga atatillugu meeqqat nammineq killiliinissamut ilinniartinneqassapput, taamalu nammineq illersorlutik.

Ikiortissarsiorfigineqarsinnaassut nassaarinissaanut meeqqat periarfissinneqassapput, soorlu Meeqqat inuusuttu-aqqallu oqarasuaataat 134 imaluunniit MIO-p SMS-kkut siunnersortittarfiat 1899. Kommunip internetsikkut quppernerit meeqqanut paasiuminassapput.⁹

Kommunalbestyrelsimut illoqarfiup immikkoortortaanit 2-mit innersuussutigineqartut

Eqimattani taakkunani meeqqanik sullissisut¹⁰ kissaatigaat meeqqanik sullissisut aamma politikerit kommunip meerartaanut saqqumilaarnerussasut. Tusarniaanerit aqqugalugit meeqqat peqataatinneqarnerulissapput, ilaatigut nerisaqarnissamut aqqissuussinerni aamma meeqqat sunngiffimmi (peqqinnartunik) sammisassaqartinneqarnissaanut eqqartuinerni.

Innersuussutigineqarportaaq kommunimi ilaqutariit meerrartallit imigassartaqanngitsumik aqqissuussinernik amerlanerusunik neqeroofigineqartassasut, aamma tamatumunnga atatillugu meeqqat peqatigalugit nerisassiorluni ingerlatsisarnerit qaqilerneqartassasut. Aammattaq immikkoortortami pinnguartarfiit nutarterneqarnissamut pisariaqartitsipput.

Immikkoortortami meeqqanik sullissisut, meeqqanut inuusuttunullu suliaqarfiiit sipaarfigineqannginnissaat erseqqissumik isumaqarfigaat, aamma ilaqutariit pissakitsut akeqanngitsumik bussersinnaanerit, klubbinut ilaasortaasinnaanerit aamma nalukkiartarsinnaanerit eqqartorneqarpoq.

Meeqqanik sullissisut akunnerminni eqqartueqatigiinnissamut periarfissagissaarnerussapput. Siunnersuutit saqqummiunneqartut ilagaat, kommunip internetimi quppenera aqquqigalugu quppersakkanik ataatsimoorussaqaqarnissaq. Meeqqat angajoqqaavinik suleqate-

9 Akissutit sukumiinerusut ilanngussami 8-mi atuakkit.

10 Illoqarfiup immikkoortortaanit 2-mut ilaapput: Atuarfik Samual Kleinschmidt, Meeraaqerivik Ungaavaraq, Meeraaqerivik Paannaat, Meeqerivik Nuka, Ataatsimoortitsilluni meeqqerivik Timmiaqqat, Ataatsimoortitsilluni meeqqerivik Paarsisoq, Ataatsimoortitsilluni meeqqerivik Meeqqat, Ataatsimoortitsilluni meeqqerivik Puiaq, ullukut meeqqanik paaqqisaqartartoq Augustine Fleischer, Atuareersunut paaqqinnittarfik Illu, Atuareersunut paaqqinnittarfik Aqqaluk, BFA & BFC aamma Misi.



qarneq ilanngulluni pitsanngorsarneqarsinnaavoq, aamma qaammarsaalluni suliaqarneq, ilaatigut angajoqqaanngorneq sammineqarsinnaasut ilagalugu.

Meeqqat atuartussaaitaanermik paasinnittarnerat pitsanngortinneqarsinnaavoq, aamma atuarfimmi nerisassat taamatut inissisimapput. Aammattaq meeqqat pisinnaatitaaffii pillugit ilisimasaqarnerunissamik pisariaqartitsisoqarpoq aamma Kammagiitta – Nikassarisoganninnissaa – ilanngullugu. Innersuussutigineqarpoq kinguaassiutitigut kanngunarsaanerit aamma kaanneq iliuseqarfigineqartussatut misissor-neqassasut.¹¹

Kommunalbestyrelsimut illoqarfiup immikkoortortaanit 3-mit innersuussutigineqartut

Tassani meeqqanik sullissisut¹² allat assigalugit uparuarneqarpoq kommunip internetimi qupperneri meeqqanut naleqqussarneqartariaqartoq; assilissat atorlugit nittarsaanikkut meeqqanut naleqqussaasoqarsinnaavoq aamma ikiuisinnaasunik nalunaarsuiffimmik imaqarsinnaavoq.

Tamakku saniatigut sunngiffimmi sammisassaqaartitsilluni suliasaqarfik eqqartorneqarpoq, aamma inuusuttuaqqat peqatigalugit 14-iniit ukiulinnut klubbimik pilersitsisinnaaneq innersuussutigineqartunut ilaavoq. Nalinginnaasumik meeqqat peqataatinneqarnerusinnaapput, aamma Nuummi meeraaneq pillugu atuartut meeqqerivinniittullu pisariaqartitaannik isumaannillu tusarnaarnerusoqarsinnaavoq.

Naak meeqqanik sullissisut ilinniarsimasut amerlanerit kissaatigineqaraluartut (aamma suliasaqarfimmi sipaaruteqannginnerunissaq ilanngullugu), innersuussutigineqarpoq sumiiffimmi nukit meeqqanik sullissinermut atorneqassasut. Aalisartut peqatigalugit sammisassaqaartitsisarnissaq aamma meeqqat namminneq inersimasunik ikiorteqarlutik cafémik ingerlatsinissaat tigussaasumik tamatumunnga siunnersuutigineqarpoq.

Ulluinnarni imaluunniit ilaqutariinni nukinginnartumik pisoqartillugu inersimasunik aamma utoqqaanerusunik eqimattanik meeqqanut ikiuisinnaasunik angajoqqaat pissakinnerit ikiorneqarnissaanut siunnersuutigineqartutulli pilersitsisoqassasoq siunnersuutigineqarpoq.

Ilanngullugu innersuussutigineqarpoq Kommuneqarfik Sermersooq meeqqanut inuusuttunullu suliaqarnermi assigiiartumik periuseqarnissamik pilersitsissasoq. Meeqqat pisinnaatitaaffii pillugit paasisitsiniaasoqassasoq, pinnguartarfinnik nutaanik pilersitsisoqassasoq aamma paaqqinnittarfinni tikilluaqqusilluarnerusoqartassasoq siunnersuutigineqarpor-taaq.¹³

11 Akissutit sukumiinerusut ilanngussami 8-mi atuakkit.

12 Illoqarfiup immikkoortortaanit 3-mut ilaapput: Kangillinnguit Atuarfiat, Ataatsimoortitsilluni meeqqerivik Sikkersoq, Ataatsimoortitsilluni meeqqerivik Annersuaq Kangillinnguit, Ataatsimoortitsilluni meeqqerivik Soralu, Atuarersunut paaqqinnittarfik Timaamiut, Atuarersunut paaqqinnittarfik Qajaasat, Meeqqerivik Esther, BFA & BFC aamma Misi.

13 Akissutit sukumiinerusut ilanngussami 8-mi atuakkit.

Kommunalbestyrelsimut illoqarfiup immikkoortortaanit 4-mit innersuussutigineqartut

Illoqarfiup immikkoortortaanit 4-mi¹⁴ meeqqanik sullissisut isumaqarput Nuummi meeqqanut ajunngitsorpasuarnik peqartoq, assersuutigalugu atuarianut bussi akeqanngitsoq, pinnguartarfik (Playground), klubbit, naluttarfik. Taamaattoq pitsanngoriaatsit arlallit pisariaqarput, soorlu pinnguartarfiit nutartrernerat imaluunniit sumiiffimmi aalajangersimasumi taamaallaat atorneqarsinnaasunik anginerusunik ataatsimoorussasanik pinnguartarfiliernerit.

Meeqqanut immikkut pisariaqartitsisunuttaaq sammisassaqaartitsisoqassaaq, timersogatigiinnut akeqanngitsumik inissaqaartitsisoqassaaq assigisaallu, aamma sumiiffimmi meeqqat qanoq kissaateqarnerminnik oqariartornissaanik periarfissinneqarnissaat innersuussutigineqarpor-taaq.

Piffissaq inersimasut meeqqanut atortagaat paasiniaaqatigiis-sitsinermi initungaatsiarpoq. Angajoqqaat soraajaartanngin-nerat pissutigalugu meeqqat kingusissukkat aaneqartarput aamma angajoqqaanngorlaat sivirusunerusumik qitornar-taarlutik sulinnigffeqarnissaminik pisariaqartitsipput. Meeqqanik sullissisut pikkorissarneqarnissamin-nut pisariaqartitsipput, aamma akunnerminni politike-rillu peqatigalugit ilisimasanik avitseqatigiinnissaq ilanngullugu. Ilinniarsimasut amerlanerit aamma/imaluunniit piginnaanernik qaffasaanissat aamma suliffimmi atugassa-rititaasut eqqartorneqarput.

Ingerlatsiviit tamarmik atortulersorneqarsima-nikkut minnerpaaffissalernerneqassapput, assersuutigalugu meeraaqqerivinni nerriviit siniffiillu, aamma kommunimi ornittakkat assigiiarnerunissaat ilanngullugu eqqartorneqarpoq.¹⁵

Kommunalbestyrelsimut illoqarfiup immikkoortortaanit 5-mit innersuussutigineqartut

Illoqarfiup immikkoortortaanit 5-imi¹⁶ meeqqanik sullissisut innersuussutigaaq angajoqqaanik annaasaqarnermut, nakuu-serfigineqarnermut imaluunniit allatigut pitsaanngitsumik nalaataqarnermut atatillugu kommunip internetimi qupperneri meeqqat ikiortissarsiornerminnut atorsinnaagaat. Aamma amerlasuut atortagaattut kommunip Facebookimut ilanngus-sinnaavoq.

Kommunimi meeqqat ajornannginerusumik ikiortissarsiorto-qarsinnaasariaqarpoq. Meeqqat amerlasuut inuunerminni inersimasumik tatigisinnaasaminik peqanngillat, taakku-

14 Illoqarfiup immikkoortortaanit 4-ramut ilaapput: Nuussuup Atuarfia, Nuuk Internationale Friskole, Meeraaqqerivik Uiloq, Ataatsimoortitsilluni meeqqerivik Muku, Ataatsimoortitsilluni meeqqerivik Apisseq, Ataatsimoortitsilluni meeqqerivik Umiaq, Atuarersunut paaqqinnittarfik Inneruulat, Ataatsimoortitsilluni meeqqerivik Umiaq (bhv & pakkut), Atuarersunut paaqqinnittarfik Neriusaaq, BFA & BFC aamma Misi.

15 Akissutit sukumiinerusut ilanngussami 8-mi atuakkit.

16 Illoqarfiup immikkoortortaanit 5-mut ilaapput: Atuarfik Hans Lyngø, Ataatsimoortitsilluni meeqqerivik Nukariit, Atuarersunut paaqqinnittarfik Mini Klub, BFA & BFC aamma Misi.

nunngalu ikiorneqarnissamat periarfissat pitsaaneruserumik inuuneqalernissamat periarfissaasinnaapput. Kommuniip meeqqanut inuusuttunullu politikkaa angajoqqaanut samminerunani meeqqanut sammineruserinnaavoq.

Ilaqutariit kommunimut saaffiginissimasut ilaqutariinnut katsorsarneqarnissamik periarfissinneqartariaqarput. Tamatumani ilaqutariit illuata piviusunnngortinneqarnera aqquataasinnaavoq.

Meeqqanut tunngatillugu suliassat suliarineqarnerini pisariillisaanissaq ilanngullugu ujartorneqarpoq, suliassat taakkununga tunngassuteqartut meeqqat isumaanik ujartuinissamat periarfissaqartilerlugit. Tamatumunga atatillugu alaatsinaanneqartariaqarpoq meeqqat isummaminnik namminneq anitsinissamat ilikkartariaqarmata; assersuutigalugu qaammammut ataasiarluni sammisat assigiingitsut pillugit meeqqat isummeqquneqarsinnaapput. Angajoqqaat ilanngullutik Naalagaaffiit Peqatigiit Meeqqat Pisinnaatitaaffii pillugit Isumaqatigiisutaasa pingaaruteqassusianik qaammarsaavigineqassapput.

Peqqinnissaqarfik

Illoqarfiup immikkoortortaani 5-imi meeqqanik sullissisut ilinniartinneranni peqqinnissaqarfimmi sulisut peqataapput. Peqqinnissaqarfik ulluinnarni meeqqanik inuusuttunillu toqqaannartumik sullissisunut atassuteqartarpoq. Peqqinnissaqarfimmi sulisut ilanngullutik meeqqat inuusuttullu pillugit Kommuneqarfik Sermersuumut pitsanngorsaataasinnaasunik innersuussuteqarput.

Peqqinnissaqarfimmi sulisut oqariartuutigaat meeqqanut, angajoqqaavinut qanimullu ilaqutaasunut inissalimmik immikkut immikkoortortaqaqarfiliornissaq erseqqissumik pisariaqartinneqartoq. Meeqqanut immikkoortortaqaqarfiliornissamat atatillugu atortorissaarutit periarfissallu makku eqqartorneqarput:

- **Oqaloqatigiittarfissaq**, napparsimasut allat tusaa-sinnaanngisaanik nakorsat peqqissaasullu meeqqat suliarineqarnerinut tunngatillugu oqariartorfigisinnaasaat
- **Misissuisarfik**, meeqqanorpiaq tunngatillugu pisatsersorneqarsimasoq.
- **Ilaqutariit inaat**, meeqqat ineriartornerminnut sunner-tiffiginnaasaat, aamma qanoq meeqqat pitsaanerpaamik

Ilanngulluguttaaq kissaatigineqarpoq meeqqanut sam-misassaqtitsinerit eqqumaffigineqassasut – aamma isorliunerusuni. Tamanna pingaartumik aasanerani amigatigineqartutut isikkoqarpoq. Assersuutigalugu Nakuusamat imaluunniit MIO-mut atatinneqartunik aqqissuussisoqartarsinnaavoq. Tamatumunga atatillugu erseqqissarneqarpoq meeqqanut inuusuttunullu suliniutigineqartartut iluini kommunalbestyrelsimiit ajornannginneruserumik akuersissummik tunniussisoqartalertariaqar-toq.

Meeqqat innarluuteqartut illoqarfigisaminni amerlaneruserumik periarfissaqarnissaasa piviusunnngortinnissaa anguniarneqartariaqarpoq. Sulisut aamma/imaluunniit meeqqanik sullissisut amerlaneruserut annertuneruserumik pikkorissarnissamat periarfissinneqarnissaat innersuussutigineqarpoq. Tamakku meeqqanut inuusuttunullu suliassaqaqfinni inatsisinut tunngatinneqarsinnaapput, inatsisimmi meeqqanik sullissisut naammattumik ilisimasaqannginnerat pissutigalugu eqquutinneqarneq ajorput. Inatsisit akulikitsumik allanngortinneqartarput, aamma malinnaaniarneq ajornakusoorsinnaavoq.¹⁷

ineriartornissaanut angajoqqaat ilitsersorneqarfigisinnaasaat eqqaanertunut ilaavoq.

- Napparsimavimmumt piaartinneqarnermut atatillugu **ilaqutariit inaat** iluaqutaasinnaapput, tassami ilaqutariit amerlasuut napparsimavik ungasillugu najugaqartarput. Ilaqutariit akunnerminni attaveqarnerinut tamanna annertuumik pingaaruteqassaaq, aamma anaanaasup meeqqallu piaartumik attaveqalerannut, taamalu meeqqat ineriartorneranut.
- Ini pillorissaasut aamma timimik sungiusaasut meeqqanik suliarinninnissaanut inissalik.
- Sivisuumik innangasoqartillugu meeqqat **atuartinneqarnissaanut** periarfissaqarneq. Meeqqat napparsimavimmi innangasut ullumikkut atuartinneqarnissamat periarfissinneqanngillat.

Naggataatigut innersuussutigineqarpoq, meeqqat pisinnaatitaaffii sammeneqartillugit meeqqanut angajoqqaavinullu apersuulluni misissuisoqassasoq, tamatumani meeqqanut immikkoortortaqaqarfik pitsaasoq pillugu isumassarsiat qanorlu paasinittariaaseqarnerit katersorneqarlutik.

17 Akissutit sukumiinerusut ilanngussami 8-mi atuakkit.



Misilittakat suliamullu tunngatillugu katersinerit

Nalunaarusiaq una meeqqat, meeqqanik sullissisut aamma innuttaasut, Kommuneqarfik Sermersuup aamma MIO-p akornanni meeqqat pisinnaatitaaffii nukittorsarniarlugit suleqatigiinnissamut isumaqatigiissut naapertorlugu aaqqissuussinerpassuit aqutigalugit taakku misilittagaanik oqariatuutaanillu imaqarpoq.

Kommuneqarfik Sermersuup aamma MIO-p akornanni suleqatigiinneq ukiunik marlunnik sivissususeqarpoq, piffissallu tamassumap ingerlanerani qulaani takuneqarsinnaasutut meeqqat pisinnaatitaaffii, meeqqat inersimasullu akornanni oqallisigitinneqartarput, aamma meeqqat pisinnaatitaaffiisa nakussassarneqarnissaanut periarfissaasinnaasut sammineqarput, aamma iliuuseqarfiusinnaasunik amerlasuunik tigussaasunillu siunnersuuteqartoqarpoq.

Isumaqatigiissutip piviusunngortinnerani kommunimi najugaqarfii tamaasa MIO-p peqataatinniarpai. Sumiiffinni tamani ilinniartitsinissamut suleqatigiissitaliornikkullu ataatsimiititsinissamut periarfissaqanngilaq, kisianni sumiiffinni tikeraarneqanngitsuni meeqqat pisinnaatitaaffii nunaqarfinni aqutsisut aqutigalugit siammarterneqarnissaat anguniarneqarpoq, taakkulu 2014-mi septembarimi Nuummi nunaqarfiit aqutsisuisa isumasioqatigiissinneqarneranut atatillugu ilinniartinneqarput aamma suleqatigiissitaliorluni ataatsimiititsinerni peqataapput.

Innersuussutigineqartut oqariatuutillu amerlasuut tunuliaqutaralugit ataani suliassaqarfii immikkut sammineqartut eqikkarneqarput. Suliassaqarfii tamakku siunissami kommunip suliniuteqarfiginerusassaaturut tiguneqarsinnaapput aamma suliniuteqarfigineqartussaturut toraagarineqarsinnaallutik.

Ajornartorsiutit aamma innersuussutigineqartut ilaat kommunip akisussaaffianut ilaangillat imaluunniit isumalluutit eqqarsaatigalugit imaaliialaannaq piviusunngortinneqarsinnaanissaat apeqquserneqarsinnaavoq, kisianni qanorluunniit ilaatinneqarput, tassami kommunimi innuttaasut sunik soqutigisaqarneranik takussutissiipput. Kommunip susasaqartunut eqqortunut tamakku oqariatuutiginnaavai.

Aalajangeeqataanissamut peqataatinneqarnissamullu pisinnaatitaaffii

Naalagaaffii Peqatigiit Meeqqat Pisinnaatigaaffii pillugit Isumaqatigiissutaani, immikkoortoq 12, tassaavoq meeqqat imminnut tunngassutilinnut tusarniarneqartarnissaanut tunngasoq. Pisinnaatitaaffik taanna meeqqat paasiniaaqatigiissittarnerani ilinniartinneqartarneranilu eqqartorneqartarpoq. Sumiiffinni amerlasuuni, nammineq ulluinnarni atukkatik pillugit aalajangiisoqartillugu tusaaneqarlutillu peqataatinne-

qartarnissamik meeqqat ujartuipput. Assersuutigalugu atuarfimi nuannersumik atugaqarnissaq anguniarlugu qanoq iliortoqarsinnaanersoq pillugu aperineqarusupput. Meeqqat soqutigisaat atuarfimiit atuarfimmu assigiinngillat, kisianni pineqartoq tassaavoq, ilinniartitsissutissat, atuarfimi atortulersuisimanerit, atuarfimi nerisassat, pinguartarfiit anitsiartarfiillu pillugit aalajangeeqataarususseqarnerat.

Innuttaasunut ataatsimiititsinerni aamma meeqqanik sullissisut akornanni assigiimmik suliassanut taakkununga tunngassuteqartutigit meeqqat ilanngutitinneqartarnissaat kissaatigineqarpoq. Meeqqat namminneq isummaminnik annissinissaminnut nukittorsarneqarnissaat sumiiffinni assigiinngitsuni arlalinni innersuussutitut uteqattaarneqarpoq.

MIO-p suleqatigiissitsilluni ataatsimiititsinerni arlalinni Kommuneqarfik Sermersuuni peqataatinneqarnissamut pisinnaatitaaffik qanoq nukittorsarneqarsinnaanersoq siunnersuuteqarfigeqqullugu meeqqanik sullissisut qinnuigivai. Peqataasut tigussaasunik arlalinnik siunnersuuteqarput. Uani suleqatigiillutik eqjimatit ilaasa siunnersuutaat taaneqassaaq, tassalu meeqqat pisinnaatitaaffiisa akornanni sammisassamik ataatsimik kommuni ukiumoortumik toqqaassassasoq, taannalu kommunimi najugallit tamarmik ukioq taanna sammillugu suliaqartassasut.

KS Young Advisorikkut aalajangeeqataanissamut aamma peqataatinneqarnissamut tunngasunik sammisaqarsimapput, tamatumunngalu atatillugu kommuni kajumissaarpaat kommunalbestyrelsip ataani siunnersuisoqatigiinnik pilersit-sisoqassasoq, taakkulu aalajangigassanik meeqqanut tunngassutilinnut ikiuisassasut.

Illersorneqarnissamut pisinnaatitaaffik

Meeqqanik paasiniaaqatigiissitsinerni meeqqat MIO-p oqaloqatigisaanik amerlasuut ilisimannipput, meeqqat assigiinngitsunik atugassaqarlutik peroriartortartut, aamma meeqqat ilaat angerlarsimaffimmini artornartumik atugaqartartut. Angerlarsimaffimmi atornerluinerit, ludomani aamma nakuusernerit kingunerluutaat meeqqat oqaluttuaraat. Meeqqat ilanngullugu illersorneqarnissamut pisinnaatitaaffeqarneq sammisorujussuussimavaat, toqqissisimasumik angerlarsimaffeqarnissaq ilanngullugu. Meeqqat ilaasa tikkuarpaat angerlarsimaffiup avataani illersorneqarnissamik pisariaqartitsisoqartoq, assersuutigalugu atuarfimmu qanittumi inuit aalakkuttut suaartartarnerannut tunngatillugu.

Meeqqanik sullissisut aamma innuttaasut amerlasuut ilanngullutik soqutigisarivaat meeqqat peroriartornerminnut atugarisaat eqqarsaatigalugit illersorneqarnissaminnut pisinnaatitaaffeqartut. Naalagaaffii Peqatigiit Meeqqat Pisinnaati-

gaaffii pillugit Isumaqatigiissutaani immikkoortut pingajuanni meeqqat pisariaqartutigit sernissorneqarnissaanik, isumasorneqarnissaanik ajunngitsumillu atugassaqaarnissaanik qulakkeerinnittumik oqartussat naleqquttumik piareersaatitut iliuseqarnissaat erseqqissuliutiginerpoq. Meeqqanik sullissisut akornanni oqariartuutiginerpoq isumaqatigiissutip taakkununga akisussaaffilersuinerata eqquutinneqarnissaanut unaminartorsiornarpoq. Tikkuarneqarpoq ikiaroorartarpoq, aalakoornarpoq, kinguaassiuutitigit innarliinerit, ludomani, nakuuserneq aamma isumassugassanik sumiginnaaneq, meeqqat ilaanut atugassaasut unaminartorsiornartut. Tamatumunnga atatillugu oqariartuutiginerpoq inooriaatsinut ajornartorsiutinut tamakkununga soriarsinnaannginnermik misigisimasarneq, meeqqanik sullissisunut pakatsinartutut misigineqartarpoq. Arlaleriarluni oqaatiginerpoq meeqqanut taakkununga tunngatillugu kalerriuteqarnerup kingorna iliuseqartannginneq aamma suliassamut pilersaarusiortannginneq ajornartorsiutaasut. Qeqertarsuatsiaani, Paamiuni aamma Nuummi tikkuarneqarpoq akisussaaffiup tamassuma meeqqat ajunnginnerpaamik atugassaqaarnissaanut tunngasuteqartup kivinnissaanut annertunerusumik ikiorneqarnissamik pisariaqartitsisoqarpoq. Nalinginnarmik sukkanerusumik iliuseqartoqartarnissaa ujarorneqarpoq. Meeqqanik sullissisut tikkuarpaat isumassugassanik sumiginnaasoqartillugu siunissami meeqqat inersimasullu saaffiginnaannaanissaanut pitsanngorsaasoqarnissaa suliniutiginerpoq, aamma tamatumunnga atatillugu kommunip internetimi qupperneri meeqqanut toraagaqarlutillu pitsanngorsarneqarsinnaasut. Suliassamik isumaginninnermut tunngatillugu piffissaq atornerqartarpoq sivikillineqassasoq pisariaqartititut ilanngullugu tikkuarneqarpoq, suliariaatsit assigiiaernerulissasut aamma iliuseqarnissamut periarfissat pitsaanerulissasut. Sulisunik ilinniarsimasunik amigaateqarneq ilungersunartutut ilanngullugu erseqqissarneqarpoq, aamma sumiiffinni arlalinni pikkorissaqqinneqartarnissamut periarfissat ilinniqaqqittarnissallu ujarorneqarput. Tasillami inissiisarnermut suliassaqaarfik tamarmi eqqarsaatigeqqinneqartariaqarpoq oqaluuserineqarpoq, taamaaliornikkut ilaqtutat ilanngutitinneqarnissaat annertusarneqarnissamat.

Suliniutigisassat tigussaasut peqataasut arlallit innersuustigisassat tassaapput angajoqqaanik pikkorissaasarnissat, pikkorissaanerillu angajoqqaanngortussanut akisussaaffeqarnermik piareersaassasut, assersuutigalugu meeqqat pisariaqartitaannut aamma toqqissisimasumik atugassaqaartitsinissamut, kisianni aamma killilersuisinnaaneq ilanngullugu. Tamanna Naalagaaffiit Peqatigiit Meeqqat Pisinnaatigaaffii pillugit Isumaqatigiissummut tunngatillugu naleqquppoq, tassani immikkoortuq 18-mi nunat peqataasut, meeqqap angajoqqaavinut meeqqat perorsarneqarneranut ajunngitsumillu atugaqarnissaanut siunnersuinissamut ikiuinissamullu qulakkeerisussatut pisussaaffilerneqarput.

Alla peqataasut soqutigisorujussuussimasaat tassaavoq suliassaqaarfiiit akimorlugit suleqatigiinnissamik periarfissaqarneq, aamma tamassuma meeqqap qanoq inissimaneranut tamarmut isumaqarsinnaanera ilanngullugu. Tamatumunnga atatillugu meeqqanik sullissisut angajoqqaallu akornanni suleqatigiinnissaq salliuutillugu inissinneqarnissaa kissaatigineqarpoq. Sumiiffinni arlalinni suliassaqaarfiiit akimorlugit suleqatigiinnermik ajornartorsiuteqarneq eqqartorneqarpoq,

aamma tamassumap nukittorsarneqarnissaa pisariaqartinneqarpoq ilanngullugu.

KS Young Advisorsikkut innersuussutigaat atomerluinermut suugaluartunulluunniit meeqqanut semissuinissamut kommu-ni salliuutissasoq.

Nikassaarisarneq

Meeqqat amerlasuut akornanni soqutigineqartut ilaat tassaavoq ajunngitsumik inuuneqarnissaq aamma ataatsimoornermut peqataanerup pingaaruteqassusaa. Nikassaarisarneq sammisaavoq sumiiffinni arlalinni meeqqanik eqqartorneqarpoq, aamma sumiiffinni arlalinni meeqqat isumaqarput atuarfimmimi nikassaarisarneq ajornartorsiutaasooq. Sumiiffimmi ataatsimi ilanngullugu eqqaaneqarpoq meeqqat innarluutillit atuarfimmimi nikassaarneqartarput. Meeqqat ilanngullugu tikkuarpaat nikassaarisarneq akiorniarlugu inersimasut akisussaaffimmik annertunerusumik tiguisariaqartut, aamma nikassaarisartut kinguneqartitsivigineqarnissaa takorusukaluaritsik – ajornanngippat atuarfiup angerlarsimaffiullu suleqatigiinnerat aqutitigalugu. Naalagaaffiit Peqatigiit Meeqqat Pisinnaatigaaffii pillugit Isumaqatigiissutaani immikkoortuq 2-mi pineqarpoq meeqqat assigiinngisitsinerit suulluunniit pillugit pinngitsoortitsinissamut qulakkeerunneqassasut, nikassaarisarnerlu tamakkununga ilaavoq.

Sumiiffinni arlalinni meeqqanik sullissisut aamma innuttaasut nikassaarisarneq eqqartorpaat, aamma Kammagiitta pillugu paasissutissanik annertunerusunik pisariaqartitsisoqarpoq ilanngullugu.

KS Young Advisorsikkut sulinermimi kommunimut apuussisoqarnissaa kissaatigisimavaat, tassalu inuiaqatigiit nikassarineritaqannginnerusut pilersinniarlugit suliniuteqartoqartariaqarpoq.

Atuartinneqarnissamut ineriartornissamullu pisinnaatitaaffiit

Naalagaaffiit Peqatigiit Meeqqat Pisinnaatitaaffii pillugit Isumaqatigiissutaani immikkoortuq 28-mi allassimasup pisinnaatitaaffiunera tunngavigalugu meeqqat pisinnaatitaaffii pillugit suliaqarnermi ilinniagaqarnissaq atuartitaanissarlu soqutigineqartorujussuupput. Meeqqat akornanni, meeqqat atuarfiata kingorna ilinniagaqarnissamut periarfissat ernumassutigineqarnerat oqariartuutiginerpoq, aamma ilinniarluarsimanagerusunik tunniusimanagerusunillu ilinniartitsisoqarnissap kissaatigineqarnera ilanngullugu. Atuartitsiner-nut atatillugu meeqqat amerlasuut iPadip atornerqarnissaa kissaatigaat, aamma innersuussut taanna Nuummi atuarfimmimi initoorujussuulluni inissisimavoq

Sumiiffinni ataasiakkaanni meeqqanik sullissisut atuartitsinissamut aamma atuartut ilisimasassatigit sumut killissimanageranun nalilersuinissamut atorussanik amigaateqartoqarnera tikkuarpaat. Aamma angajoqqaat akisussaaffiinik suliaqarnissaaq pisariaqartinneqartutut tikkuarpaat, taamaaliornikkut sernissorneqarnissaaq, sinissimanissaaq aamma nerisassaqaarnissaaq isumagineqarnerusut eqqanaarneqarnissamat.



Suliassaqarfiit akimorlugit ataatsimooqatigiittuni peqqinnis-saqarfimmi sulisunit peqataaffigineqartumi, tikkuarneqarpoq meeqqat sivisuumik napparsimavimmi uninngatinneqartut atuartinneqarnissaanut neqeroorutinik amigateqartoqartoq.

Aammattaq Tasiilami innuttaasunik ataatsimiititsineri oqariartuutigineqarpoq meeqqat namminneq oqaatsitik atorlugit atuartinneqarnissaminnut periarfissaqartinneqartariaqartut. Suliassaq tamanna immikkut meeqqanut nunaqarfimmeersunutu atuuppoq, aamma ilinniartitsisunut qallunaatut oqaasilinnut.

KS Young Advisorsikkut assigiinngisitaartumik atuartinneqarnissaq ataasiakkaat ilinniagaqarsinnaaneranut pingaarteqarlunnartutut isigat.

Meeqqat immikkut pisariaqartitsisut

Pingaartumik meeqqanik sullissisut tassaapput meeqqanut immikkut pisariaqartitsisunut pisinnaatitaaffiit pillugit nukittorsaasoqarnissaanik oqariartuuteqartut, aamma meeqqat innarluutillit ilanngullugit. Pisinnaatitaaffiit tamakku Naalagaaffiit Peqatigiit Meeqqat Pisinnaatitaaffii pillugit Isumaqtigiissutaani, immikkoortumi 23-imi nanineqarsinnaapput. Paamiuni oqaluttuarineqarpoq meeqqat immikkut pisariaqartitsisut atuarfimmi isiginiarneqarneq ajortut aamma tapersorsoneqarnissamik pisiaqartitaminnik isaassiffigineqarneq ajortut. Aammattaq meeqqanik sullissisut angajoqqaallu akornanni suleqatigiinnerup nukittorsarneqarnissaa tikkuarneqarpoq.

Inersimasunitaaq siunnersuutigineqarpoq, meeqqat pisinnaatitaaffii pitsanngorsarniarlugit, illoqarfigisami meeqqanut innarluutilinnut amerlanerusunik periarfissaqartitsisoqassasoq.

Nuummi ilanngullugu siunnersuutigineqarpoq, meeqqat immikkut pisariaqartitsisut timersoqatigiiffinni akeqanngitsumik inissaqartinneqarsinnaassasut.

Meeqqat akornanni siunnersuutigineqarpoq atuarfiit innarluutilinnut naleqqussarneqassasut.

KS Young Advisorsikkut innersuussutigat, pisortat pigisaat, atuarfiit aamma niuertarfiit innarluutilinnut naleqqussameqassasut, taamaalluni meeqqat innarluutillit ikiomeqarsinnaanngitsutut misigisimanginniassammata.

Sunngiffimmi sammisassat

Naalagaaffiit Peqatigiit Meeqqat Pisinnaatitaaffii pillugit Isumaqtigiissutaani immikkoortoq 31-mi meeqqat naleqquttumik ineriartorfusinnaasunillu sunngiffimmi sammisassaqsinnaanissaat eqqartorneqarpoq. Sunngiffimmi sammisassarpiaat peqataasut amerlasuut immikkut soqutugalugit eqqartortarsimavaat.

Sumiiffiit ilaanni sunngiffimmi sammisassat ukioqqortusutsimut naleqqussarneqarsimasut meeqqanik soqutigineqartorujussuupput, aamma meeqqanut immikkut pisariaqartitsisunut naleqqussarneqarsimasut ilanngullugit. Kissaatigineqarpoq illoqarfiit nunaqarfiillu akornanni sammisassaqartitsinikkut assigiinngitsunik neqeroorute-

qartarnerit unitsinneqarnissaat, tamannalu Naalagaaffiit Peqatigiit Meeqqat Pisinnaatitaaffii pillugit Isumaqtigiissutaanut immikkoortoq 2-mut assigiinngisitsinnginnissamut pisinnaatitaaffinnut naapertuuppoq. Sumiiffiit ilaanni pineqartoq tassaavoq sunngiffimmi sammisassaqaangvinneq, assersuutigalugu aasaanerani atuanngiffeqarnermi, allanilu pineqartoq tassaalluni sammisassatut neqeroorutigineqartartut aamma taakku assigiinngisitaartarnerat. Ittoqqortoormiini meeqqat sammisassanik amerlanerusunik ineriartortitsinis-samut peqataatinneqarusupput.

Sumiiffinni amerlasuuni meeqqat inuusuttullu pinnguartarfeqarneq eqqartorpaat. Pineqartut tassaapput pinnguartarfiit aserfallassimanagerat, kisianni aamma pinnguartarfinni meeqqanik nakkutillisoqartannginnera. Sumiiffinni arlalinnitaaq unnuap tulugaanik pisariaqartitsisoqarnera oqaatigineqarpoq.

Nuummi Paamiunilu meeqqanut ornittakkat ukioqqortussutsimut naleqqussarneqartut ujarterneqarput. Tigussaasumik siunnersuutigineqartut tassaapput meeqqanut café aamma inuusuttuaqanut klubbi.

Ataatsimut isigalugu kommunimi meeqqat akornanni aamma meeqqanik sullissisut akornanni, meeqqanut atugassat pillugit pissanganartorpassuarnik eqqarsaatersortoqartarpoq, aamma iliuuserineqarsinnaasunik amerlasuunik pitsaasunillu siunnersuuteqartoqartarpoq. Kommunimi aqutsisut siunissaq eqqarsaatigalugu meeqqat pisinnaatitaaffiinik nukittorsaanisat sutigit pissanersut nalilersussavaat, aamma kommunip suleqqinnissaanut oqariartuutigineqartut siunnersuutillu amerlasuut ilaasa ingerlateqqinneqarnissaanut kissaateqartoqarnerisooq ilanngullugu.

Suliniuteqarnerup nalaani misigisat

Meeqqanik inersimasunillu suleqateqarnermi aamma taakku-nunnga aqqjissuussisarnerni periuuserineqartoq tassaavoq nersuerpaluttumik ingerlatsinissaq meeqqat pisinnaatitaaffii pillugit suleqqinnissamut kaammattuinnissaq siunertaralugu aamma suliniutinik tigussaasunik ineriartortitsisoqarnissaa anguniarlugu. Meeqqanik sullissisunut suleqatigiissitsilluni ataatsimiititsinerpassuit siunertarivaattaq suliamik ingerlatsisut ataasiakkaat paasinninnissaat alaatsinaanissaallu, aamma innuttaasut meeqqat pisinnaatitaaffii pillugit ajunngit-sumillu atugaqarnerat pillugit pisussaaffeqarlutillu akisussaaf-feqartut. Suliassaqarfiit akimorlugit ataatsimut isiginninneq aamma meeqqat atugaat aallaavigalugit isiginninnissaq suliaqarnermittaaq qitiutinneqarpoq.

MIO-p misigaa meeqqat meeqqanillu sullissisut tusaaneqarnissaminnut tusarnaarneqarnissaminnullu pingaartitsisorujussuusut. Oqallissaaruteqarluni suleqatigiissitsillunilu isumasioqatigiissitsinerit sumi tamani tigulluarneqarput. Suliassaqarfiit akimorlugit assigiinngitsunik oqallittarfillortoqarnissaa sumi tamani oqariartuutigineqarpoq, tamakkunani misilittakkat, isumassarsiat aamma pakatsinerit eqqartorneqarsinnaanniassammata. Atorfeqarfiit assigiinngisitaarnerat pissutigalugu nammineq suliffigisami imaluunniit suliarisanut tunngasuinnarnik eqqartuilluni naapeqatigiittarnissaq kissaati-gineqarportaaq, assersuutigalugu ulluunerani paaqqinnittarfiit

immikkut, atuarfiit immikkut, suliassanik isumaginnittut immikkut ilaalu ilanngullugit.

Peqataasut oqariartuutigaat akunnerminni avitseqatigiinneq iluartoq, ajunngitsumik oqaloqatigiittoqartoq, isumassarsiorfi-
usoq aamma piffissaq sukkavallaamik ingerlasoq. Meeqqanik sullissisut ilaasa ammasumik oqaloqatigiinneq takusatut tupaallaatissatut misigivaat, tamatumani takutinneqartoq katersuunnissamat pisariaqartitsisoqartoq aamma atorfe-
qarfiit ataasiakkaat akornanni ataatsimoorussaqaqarnermik misiginerup pilerseqqinneqarnissaa pisariaqartinneqartoq.

MIO-p misigivaa, peqataasut meeqqat pisinnaatitaaffii pissan-
nganartutut naleqquttutullu isigigaa, aamma isornartorsiuine-
rit nalinginnarmik pitsaasuusut. Taamaattoq ataasiakkaannut pisinnaatitaaffiit akisussaaffiillu MIO-mit oqariartuutigineqar-
tut suleqatinut imaluunniit angajoqqaanut qanoq ingerlateq-
qinneqarnissaat paasiuminaatsinneqarpoq. Allat misigippat suliqaqarnek tassaasoq namminneq pisinnaatitaaffiit pillugit suliqaqarnerminnut tusarniaaneq.

Suleriaqqinnissaq eqqarsaatigalugu allat assingusumik suliqaqar-
tut peqataatinneqarnissaat peqataasut innersuussuti-
gaat, assersuutigalugu Nakuusa18.

MIO misigaaq aqqissuussinerni tamani peqataasut soquti-
ginnittut, aamma meeqqat pisinnaatitaaffii nukittorsarniar-
lugit, meeqqat atugaat pillugit sumiiffinnilu iliuuserineqarsin-
naasut pillugit tunniussaqtartut.

Isumasioqatigiinnerit ingerlanneqarneri eqqarsaatigalugit MIO-p siu-
morpaa atuarfiit aqqissuussinermut piareersar-
simeri allanngorartorujussuusut. Atuarfinni arlalinni atortut kisa-
atigineqartut piareersimapput aamma ilinniartitsisut ikiuinissamin-
nut neqerooruteqartarput, taamaatsilluguli atuarfinni allani pi-
areersarsimaneq aamma ataqatigiissaarineq naammattanngilaq,
tamannalu amigartumik eqqiaanermik, teknikkikkut unamin-
artorsiornermik aamma inissakilliornermik kinguneqartitsisarpoq.

Nakkutiginninneq

Suleqatigiinnissamat isumaqatigiissut pivirusnngortinnis-
saanut siunnersuummi, MIO-p Kommuneqarfik Sermersooq kajumiis-
sarpaa piffissap ilaani ataani pineqartut nakkutigine-
qarnissaanik aallartitsisoqassasoq, taamaaliornikkut anguni-
arneqarniassamat kommuni tamakkiisumik isiginnissasoq aamma
paasissutissanik nutaanik pigisaqalissasoq, suliniutit assigii-
ngitsut aallartinneqarnissaanut aallunneqarnissaa-
nulluunniit atorneqarsinnaasunik. Aammattaq anguniaru-
maneqarpoq paasissutissat tamakku kommunip MIO-mut ingerlateq-
qissagai, taakku sulinermit aamma naggataagut nalunaarusiorner-
mut atorneqarsinnaanniassammata.

Suleqatigiinnissamat isumaqatigiissut naapertorlugu meeqqa-
nik sullissisunut aamma kommunalbestyrelsimut isumasioqa-
tigiissitsineri Kommuneqarfik Sermersuumi peroriartorner-
mut atugassarititaasut ullumikkut atuuttut pillugit MIO qanoq
isiginninnerminik saqqummiussaqtartussaavoq, tamakkulu

ilisimasanik pigineqareersunik aamma pigineqalersimasunik
aallaaveqartinneqassapput. Suliassaqaarfiit tamakkiisumik
isiginiarlugit aamma Meeqqat Illersuisuata aallaqqaamut
meeqqat pisinnaatitaaffiisa atuutsinneqarnerinut immikkut
unaminartoqarsinnaanerani ilimasuuteqarnera eqqarsaati-
galugu kommunimut innersuussutigineqarpoq makku nakkuti-
gineqarnissaanik / ataavartumik nalinnaavigineqarnissaanik
qulakkeerisoqassasoq:

- Meeqqat amerlassusaat:
 - meeraaqqerivinni
 - meeqqerivinni
 - atuarfinni
- Suliassamik isumaginnittup ataatsip suliassasa amerlassusaat
- Meeqqat inissinneqarsimasut:
 - meeqqat inissinneqarsinasut amerlassusaat
 - meeqqat inissinneqarsimasut ulloq unnuarlupaaqqinnittarfinnut ilaqtarsianullu agguataarnerat
- Meeqqat innarluutillit:
 - meeqqat innarluutillit amerlassussat (ajornanngippat ukiui ilanngullugit)
 - ikiuinissamat aqqissuussineq, aamma ajornanngippat innarluutillit qassit inissinneqarnerat ilanngullugu
- Atuartut angerlarsimaffianni, skolehjemi, meeqqat qassiuersut
- Meeqqat pinngitsooratik atuartinneqartussat, meeqqat atuarfiini imaluunniit avataani atuartinneqartut:
 - meeqqat immikkut atuartinneqartut
 - inuusuttut allamik neqeroorfigineqarsimasut (Piorsaavik, angerlarsimaffimmi atuartitsineq, praktikkernermut assingusunik ingerlatsisut assigisaalluunniit)
 - inuusuttut pinngitsooratik atuartinneqartussat, atuarfiit avataani inissinneqartut
- Tamakku avataasigut ajornanngippat paasissutissat makku:
 - meeqqat inuusuttullu ilaqtariinni atornerluisuni najugallit
 - ilaqtariinnut qimarnguinnut inissinneqartut
 - inuusuttut pinerluttuliorinnissamat qanillutik inisseqqasut

Aqqissuussamik nakkutiginninnissaq taanna piviusumik aallartinneqarsinnaasimannigilaq, kisianni MIO-p suliap ta-
massumap aallartinneqarnissaa suli kissaatigaa, taamaalior-
nikkut paasissutissat tamakku iliuuseqarnissanut aalajanger-
simasunut toqqammavissat atorneqarsinnaanniassammata. Kom-
muneqarfik Sermersuumi meeqqat atugaat pillugit MIO-p ilisimasai,
allatigut katersorneqartut aallaavigalugit pilersinneqarput,
ilaallutik innuttaasut saaffiginnittarnerat aamma MIO-p SMS
1899-i aqquutigalugu siunnersuisarneranun tunngassuteqartut,
kiisalu meeqqat meeqqanillu sullissisut isumasioqatigiis-
sittarnerinit amerlasuunit, KS Young Advisorsikkulu oqaloqatigis-
arnerinut atatillugu ilisimasanik pigineqalersuninngaanneersuullutik.

18 Nakuusa MIO assigalugu paasinaaqatigiissitsineri naammassisaqar-
simavoq, aamma Kommuneqarfik Sermersuumi Qeqqatalu Kommuniani
ilinniartitsisunik ilinniartitsilluni aallarteqqammersimavoq (Nuuk pinnagu).



Naggasiullugit oqaaseqaatit siunissamullu isigineq

Suliniut ataatsimoorussarput aqqutigalugu meeqqat pisinnaatitaaffii pillugit ilisimasani kommunimi meerarpasuarnut apuussivugut. Aammattaaq meeqqanik sullissisut meeqqat pisinnaatitaaffiinut atatillugu anguniagaqartumik eqqarsartaaseqarlutik iliuuseqarnissaanut annertuumik kajumissarisooqarpoq, kisianni MIO-p pingaartippaa aamma siunissami meeqqat pisinnaatitaaffii pillugit suliniartoqartuassasoq, kiisalu meeqqanik sullissisut meeqqap pisinnaatitaaffiminik ajungitsumillu atugaqarnissaaminik qulakkeerunneqarnissaanut akisussaaffeqarnerat erseqqissaassutigineqartuassasoq.

MIO-p innersuussutigaa kommunalbestyrelsi aamma MIA-mi ingerlatsisut suleqatigiissitsilluni ataatsimiititsinerpassuarnit misilittagarineqalersut innersuussuterpassuillu aallaavigalugit iliuusissatut pilersaarummik suliaqassasut, tikkuarlugu qanoq iliorluni Kommuneqarfik Sermersuumi meeqqat pisinnaatitaaffii nukittorsarniarlugit tigussaasunik iliuuseqartoqassanersoq, tassalu kommunimi meeqqat najugaqartut ataatsimut isigalugit aamma najugaqarfii atlat ataasiakkaat eqqarsaatigalugit. Pingaaruteqarluinnarpoq ajornanngippat iliuusissatut pilersaarussiaq kommunimut tamarmut siammarneqarnissaa. Ajoraluurtumik MIO-p paasivaa meeqqanik sullissisut amerlasuut kommunip meeqqanut inuusuttunullu politikkianik naammattumik ilisimasaqanngitsut, taamatullu inissisimaneq suliaqarnissamut ajornakusoortitsinerulersoq.

Kommuneqarfik Sermersuup aamma MIO-p akornanni isumaqatigiissummi ammaanearpoq MIA-mi ingerlatsisut sumiiffimmi suliniutinik ineriartortitsinissat aamma meeqqat pisinnaatitaaffii atugaallu pillugit MIO-mut ataavartumik oqaloqatigiinnissinnaasasut. Siunissamittaaq MIO taamak oqaloqatigiinnissamut avitseqatigiinnissamullu atorneqarnissaminut ammavoq, aamma meeqqat pisinnaatitaaffii nukittorsarniarlugit Kommuneqarfik Sermersuup iliuusissanik suliaqarnissamut atatillugu avitseqatigiinnissamut kissaateqassappat.

Aammattaaq MIO misilittakkanik tunniussinissamut piareeqavooq, aamma meeqqat pisinnaatitaaffii pillugit, Kommuneqarfik Sermersuumi suliniaqginnissamut atugassatut ilinniusianik tunniussaqaqarnissaaq eqqarsaatigalugu.

Naggataatigut MIO suleqatigiinnermut qujassuteqarpoq, aamma Kommuneqarfik Sermersuumi meeqqat inersimasullu qanittumik suleqatiginissaanut periarfissiinnermut. MIO misigivoq, unammisassat, iluatsitsiffiusut aamma iliuusissatut isumassarsiat tigussaasut pillugit, peqataasut tusaaneqarnerat pingaaruteqartorujussuurtut isigineqartoq. Tamanna Kommuneqarfik Sermersuumi amerlasuut sunniuteqaqataannissaminut aamma akisussaaffimmik tiguserusunnerannut qanimullu oqartussaaqataanermik soqutigisaqarnerannut, ilimasuuteqarnermut qularnarunnaarsitsisutut isigineqarsinnaasoq.

